

Piginneqqaartussaannermik inatsisip Kalaallit Nunaannut atortuulersinneqarnissaaanik peqqussut

UAGUT MARGRETHE AAPPAAT, Guutip Saammaassinneratigut Danmarkip Dronningia, nalunaarpugut:

Piginneqqaartussaannermik inatsimmi, tak. inatsimmik nalunaarut nr. 1144, 23. oktoberi 2014-imeersoq, § 93 naapertorlugu aalajangerneqarpoq inatsit Kalaallit Nunaannut atuutissasoq imaattunik oqaasertaqarluni:

Kapitali 1

Piginneqqaartussaannermi pineqartut imarisaalu

Suliat illersugaasut

§ 1. Suliamik atuakkiamik eqqumiitsuliamilluunniit saqqummiisoq suliamik taassuminnga piginneqqaartussaavoq, suliamut oqaluttualiatut atuakkiatut ilisimasassatulluunniit saqqummersitamut allannikkut oqalunnikkulluunniit, soorlu nipilersukkatut isiginnaagassiatulluunniit, filmigassatut assilivilluunniit atorlugu assilisatut, assiliatut eqqumiitsuliatut, illulioriaatsit atortutigulluunniit eqqumiitsuliatut, allatulluunniit suliamut.

Imm. 2. Nunap assingi imalluunniit titartakkat suliallu allat assiliartalersorlugit imaluunniit kusanasaarlugit suliat nassuiaataasumik pissuseqartut suliatut atuakkiatut naatsorsuunneqassapput.

Imm. 3. Suliat qarasaasianut immiussat atuakkiatut suliatut naatsorsuunneqassapput.

Illersuinerup imarisai

§ 2. Piginneqqaartussaannerup nassatarivaa, killilersuutit inatsimmi matumani oqaatigineqartut atorlugit, suliap atornissaanut kisermaassisussaneq, suliap assinginik sanaartornikkut inunnillu tamanit pineqarsinnaatitsilernikkut, saqqummeqqaarneratuut allanngartisakktulluunniit pissuseqartillugu, nutsiganngorlugu, atuakkioriaaseq, eqqumiitsulioriaaseq suleriaaserluunniit alla atorlugu suliaasumut.

Imm. 2. Suliat assinginik sanaartornertut aamma isigisariaqarput suulluunniit toqqaannartumik toqqaannangitsumilluunniit, utaqqiisaasumik ataavartumilluunniit tamakkiisumik ilaannakuusumilluunniit qanorluunniit isikkoqartillugit aamma qanorluunniit iluseqartillugit assinginik sanaartorneq. Suliat assinginik sanaartornertut aamma isigisariaqarpoq suliamik sunut pisatsersuutinut ilisarnarsisitsisinnaasumik atuineq.

Imm. 3. Suliat inunnit tamanit pissarsiarineqarsinnaasunngortinneqassapput

1) suliat assingi tuniniarneqarpata, attartortinniarneparpata imaluunniit atukkiunniarneqarpata allatulluunniit inunntu tamanut siaruarterneqassappata,

- 2) suliat assingi tamanut ammasumik takutinneqassappata, imaluunniit
- 3) suliat tamanut ammasumik saqqummersinneqarpata.

Imm. 4. Inunnut tamanut imm. 3, nr. 3 malillugu saqqummiussinertut aamma naatsorsuunneqassaaq

- 1) sulianik silaannakkut atassusikkatut atassusigaanngitsutulluunniit attaveqaatitigut, tamatumani aamma radiukkut fjernsynikkulluunniit tamanut nuussinerit aammalu sulianik inuit kikkulluunniit sumiiffinni piffissanilu namminneq qinigaanni pissarsisinnaanngorlugit atugasinerit, aamma
- 2) inuussutissarsiutini sullivimmi tamanut saqqummiussinertut naatsorsuunneqarsinnaanngikkaluamik inunnut amerlasuunut saqqummiinerit.

§ 3. Suliamik pilersitseqqaartup piumasaqaatigaa ajunngitsumik ileqqoqarneq naapertorlugu suliatut pilersitami assingisut sanaani inunnillu tamanit pissarsiarineqarsinnaalernerani inuttut atimi nalunaarneqarnissaa.

Imm. 2. Suliaq allanngortinneqassanngilaq inunnilluunniit tamanit pissarsiarineqarsinnaasunngussanngilaq, pilersitseqqaartup atuakkiortutut eqqumiitsuliortutulluunniit ataqpineqarneranut immikkulluunniit ilisarnaataanut nikanarsaataasumik tamatumunngaluunniit atassuteqartumik iliuuseqarnikkut.

Imm. 3. Pilersitseqqaartup paragraffi manna naapertorlugu piginnittusnaanini taamaatisinnaanngilaa, suliap pissusiatigut annertussusiatigulluunniit killilikkamik atornissaa pineqanngippat.

Suliareqqiinerit

§ 4. Suliamik nutserisoq, nutarterisoq allatulluunniit suliamik suliareqqiisoq, matumani aamma atuakkiamut eqqumiitsuliamulluunniit allamut nuussisoq, suliamut tassunga taamatut isikkoqartillugu piginneqqaartussaavoq, kisianni suliareqqaakkamik piginneqqaartusnaanermut akerliusumik pissuseqartillugu taassuminnga atuisinnaanani.

Imm. 2. Suliamut nutaamut immikkoortumut, allamik suliamik atuinikkut namminersuutigalugu saqqummersinneqartumut, suliamut atorsimasamut piginneqqaartuunermut attuumatinneqassanngilaq.

Suliat katitikkat

§ 5. Sulianik ataatsimut katiterinikkut imaluunniit suliat immikkuualuttuinik katiterinikkut atuakkiamik eqqumiitsuliamilluunniit suliamik ataasinngukkamik saqqummiisoq taassuminnga piginneqqaartussaavoq, kisianni piginnittusnaanera taanna sulianut atorneqartunut ataasiakkaanut tunngatinneqassanngilaq.

§ 6. Suliaq ataaseq inunnit marlunnit arlalinnilluunniit piginneqqaartussaaffigineqarpat taassumunnga suliamut inuup ataatsip ilanngussai immikkut pigineqarsinnaanngillat, suliaqartut peqatigiillutik suliamik taassuminnga piginneqqaartussaammata. Suliaqartulli tamarmik immikkut piginnittusnaanermut innarliinernut assuarliuteqarsinnaapput.

Piginneqqaartuusutut ilimagisat il.il.

§ 7. Allamik paasissutissiisoqanngippat piginneqqaartussatut isigineqassaaq aqqa aterisuu-saagaaluunniit imaluunniit ilisarnaataa inunnit tamanit ilisimasaasoq pisarnertut suliap assinginut naqitaasoq imaluunniit suliap inunnit tamanit pigineqarsinnaanngornerani nalunaarutigineqartoq.

Imm. 2. Imm. 1 naapertorlugu piginneqqaartussaq nalunaarutigineqarnani suliap naqiterluni saqqummerpat saqqummersitsisullu aqqa taaneqarpat, saqqummersitsisoq piginneqqaartuusooq sinnerlugu iliorsinnaavoq saqqummersitseqqiinnermi piginneqqaartuusup nalunaarneqarnissaata tungaanut.

Tamanut nalunaarutiginnineq saqqummiinerlu

§ 8. Suliap tamanut nalunaarutigisatut isigineqassaaq akuerisamik inunnit tamanit pissarsiarineqarsinnaalerpat.

Imm. 2. Suliap assingi piginneqqaartussaataasup akuersineratigut nioqqutinngortinneqarpata allatulluunniit inunnit tamanut siaruarterneqarpata, naqiterluni saqqummikkatut isigineqassaaq.

Pisortatigoortumik allagaatit

§ 9. Inatsisit, allaffissornikkut najoqqutassiat, eqqartuussiviit aalajangiineri pisortallu allagaataat allat piginneqqaartussaaneermut attuumassuteqanngillat.

Imm. 2. Imm. 1-imi aalajangersagaq atuutinngilaq sulianut imm. 1-imi taaneqartunut immikkut ilapittuutitut suliaasunut. Sulialli taamaattut sulianut atattillugu allannermi atorneqarsinnaapput. Suliat taamaattut atorneqarsinnaanissaanni aamma maleruagassat allat atuuttut apeqqutaassapput.

Inatsisit allat malillugit illersuinermit tunngasut

§ 10. Designlove malillugu illersugaaneq piginneqqaartussaaneq atorunnaarsinngilaa.

Kapitali 2

Piginneqqaartussaaneerup killilersuutai aamma isumaqatigiisuteqarsinnaatitsinerni piginnaatitaaffinnik aqutsineq

Nalinginnaasumik aalajangersakkekat

§ 11. Kapitalimi matumani aalajangersakkekat § 29-p kingunerisassaasa saniatigut piginneqqaartuusup § 3 naapertorlugu pisassaanut millisaataassanngillat.

Imm. 2. Suliap ataaseq kapitali manna naapertorlugu atorneqarpat atorneqarnerata siunertarisaata pisariaqartitsineranit annertunerusumik allannngortinneqassanngilaq. Suliap tamanut takusassatut issuarneqarpat pinngoqqaarfia ileqqoq ajunngitsoq naapertorlugu nalunaarneqassaaq.

Imm. 3. Suliap ataaseq kapitali manna naapertorlugu atorneqarpat § 2-mut akerliusumik suliamik atuineq tunngavigalugu imaluunniit § 75 c, imm. 1-imut akerliusumik teknikkikkut

peqqussutaasunik sumiginnaaneq tunngavigalugu suliap assinginik sanaartornissaq inerteqqutaavoq.

Suliap assinginik sanaartorallartarneq

§ 11 a. Suliap assinginik sanaartorallarnissaq akuerineqarsinnaavoq imaattoqarpat

- 1) erniinnaq qaangiuttussat imaluunniit nalaatsornikkut pisut,
- 2) teknikkikkut iliuuseqarnerup ilagippassuk aammalu tamatuma annertunersaata ilagippagu,
- 3) taamaallaat siunertarippagu akunnermiliuttup suliamik allat akornanni attaveqaatitigut assigisaatigullu aallakaatitsisinnaalernissaa imaluunniit unioqquitsinani suliamik atuisinnaalernissaa, aamma
- 4) suliap immikkut nammineq aningaasatigut naleqartuunnginnissaa.

Imm. 2. Imm. 1-imi aalajangersagaq qarasaasiatigut programminut database-nullu atuutinnngilaq.

Nammineq atugassatut suliap assinginik pilersitsineq

§ 12. Suliap tamanut nalunaarutigisap assingi ataasiakkaat kimilluunniit nammineq atugassatut suliareneqarsinnaapput suliartinneqarsinnaallutilluunniit, tamanna inuussutissarsiutigineqanngippat. Suliap assingi taamaattut allatut iluaqutiginiarneqassanngillat.

Imm. 2. Imm. 1-imi aalajangersagaq pisinnaatitsissutaanngilaq

- 1) illuliornissamut,
- 2) eqqumiitsuliap assinginik sananissamut, sanaqqaakkap naqitsinikkut allatulluunniit assilinnissanut, assilisaq sanaqqaakkatut saqqummiunneqarpat,
- 3) qarasaasianut programmit digital atorlugu suliap assinginik pilersitsinissamut imaluunniit
- 4) suliap allat digital atorlugu assinginik pilersitsinissaq, suliap assinginik pilersitsineq digital atorlugu pilersitsineruppat, imaluunniit
- 5) qarasaasiatigut programmiunatillu paasissutissaasivinniittuunngitsunik, tamakku nammineq atugassatut imaluunniit illumi inoqutit atugassaattut taamaallaat pissanngippata, digital atorlugu suliap assinginik ataasiakkaanik pilersitsineq.

Imm. 3. Imm. 2, nr. 5-imi aalajangersagaq apeqqutaatinnagu piginneqqaartuusoq akuersi-seqqaartinnagu ajornartitaassaaq suliap assinginik atukkamik imaluunniit attartukkamik digital atorlugu assiliortuinissaq.

Imm. 4. Imm. 1-imi aalajangersagaq pisinnaatitsissutaanngilaq suliap assingannik pilersitsinermi allamik suliarinnitsinissamut, pineqarpata

- 1) erinniugaq,
- 2) filmiliaq,
- 3) atuakkiat, alla ikiuisoq inuussutissarsiornermut siunertamut peqataappat,
- 4) eqqumiitsuliatut sulianut imaluunniit
- 5) eqqumiitsuliat assinginik sananermut, eqqumiitsuliaareersumik atuineruppat.

Imm. 5. Imm. 1-imi aalajangersagaq atuisumut pisinnaatitsissutaanngilaq erinniukkat filmiliallu teknikkikkut atortut atuagaateqarfinni, niuertarfiit initaanni allaniluunniit tamanit orninneqarsinnaasuni tamanut atugassanngortitaasimasut atorlugit assinginik sananissamut. Aamma taamaassaaq atuakkianut tunngatillugu, teknikkikkut atortut inuussutissarsiornissaq siunertaralugu atugassiissutaasimassappata.

Ilinniartitsinerup iluani atugassatut suliat assinginik pilersitsineq

§ 13. Suliat saqqummiunneqarsimasut assingi ilinniartitsinermi atugassatut pilarineqarsinnaapput aammalu suliat radiukkut isiginnaarutikkulluunniit aallakaatinneqartut assinginik sanasoqarsinnaavoq immiussinikkut § 50 malillugu isumaqatigiissuteqarnermi licensimut piumasagaatit eqquutsinneqarsimappata. Suliat taaneqartut ilinniartitsinerinnarmi § 50-imi isumaqatigiissummi pineqartumut ilaasuni atorneqarsinnaapput.

Imm. 2. Immiussineq pillugu imm. 1-imi aalajangersagaq filmilianut sarsuatitassianut filmer-tarfiit nalinginnaasumik takutittagaannut ilanngunneqartunut atuutinngilaq isiginnaarutikkut aallakaatitsinermi suliap ilaa minnerusoq kisiat atorneqanngikkaangat.

Imm. 3. Suliat saqqummiunneqarsimasut assinginik sananermut imm. 1-imi aalajangersagaq qarasaasianut programminut digitaliusunut atuutinngilaq.

Imm. 4. Ilinniartitsisut ilinniartullu ilinniartitsinermut atasumik namminneq suliaminnik immiussisinnaapput, tamanna inuussutissarsiornermut atatillugu pinngippat. Immiussat taamaattut allatut atorneqassanngillat.

Imm. 5. § 50, imm. 4 malillugu kattuffik imm. 1-imi isumaqatigiissuteqarsinnaanermut ilaasoq isumaqatigiissuteqarnissamut naammaginangitsunik piumasagaateqarner-soq apeqquuserneqarpat illuatungeriit arlaata apeqquut eqqartuussivinnut suliassanngortissinnaavaa.

Inuussutissarsiornermi atugassatut suliat assinginik pilersitsineq il.il.

§ 14. Pisortat namminersortulluunniit suliffeqarfiutaat, kattuffiit inuussutissarsiutitullu ingerlatsiviit suliffeqarfimmi iluani atugassaminnik kopimaskine taamaaqataaluunniit atorlugu aviisini, atuagassiani sulianilu katitikkani suliamut tunngasumik allaaserisanik, suliamut tunngassutilinnik suliat assinginik saqqummiussanik atuisinnaapput ilaannakortumik aammalu allaaserisamut atatillugu assiliartaliussanik assiliisinnaapput assiliisitsisinnaallutilluunniit § 50 malillugu isumaqatigiissummi pissutissaatitaasut eqquutsinneqarsimappata. Suliat assingi taamaattut suliffeqarfiup § 50-imi isumaqatigiissummi taaneqartut taamaallaat atorsinnaavaat.

Imm. 2. § 50, imm. 4 malillugu kattuffik imm. 1-imi isumaqatigiissuteqarsinnaanermut ilaasoq isumaqatigiissuteqarnissamut naammaginangitsunik piumasagaateqarner-soq apeqquuserneqarpat illuatungeriit arlaata apeqquut eqqartuussivinnut suliassanngortissinnaavaa.

Napparsimmavinni atugassatut suliat assinginik pilersitsineq il.il.

§ 15. Napparsimmaviit, paaqqutarisarialinnut angerlarsimaffiit, parnaarussiviit allallu ulloq unnuarlu paaqqinnittarfittut suliffeqarfiit isumaginnittoqarfiup peqqinnissaqarfiullu susassaqarfisa iluiniittut, pinerluttunik isumaginnittoqarfik taamaaqataallu suliffeqarfimmi najugalinnut il.il. sivikitsumik atugassanik sulianik radiokkut isiginnaarutikkulluunniit aallakaatinneqartunik immiussisinnaapput. Assilisat taamaattut suliffeqarfiup iluaniinnaq atorneqarsinnaapput.

Toqqorsiviit, atuagaateqarfiit katersugaasiviillu

§ 16. Pisortat toqqorsivii, atuakkanik atorniartarfii tamanut ammasut allallu atuakkanik atorniartarfiit, tamakkiisumik ilaannakuusumilluunniit pisortanit kiisalu 'Nunatta Katersugaasivia Allagaateqarfia'-niit aammalu katersugaasivinniit aningaasalersorneqartut imm. 2-6-imi aalajangersakkanut naapertuuttumik sulinerminni atugassaminnik suliat assinginik atuisinnaallutillu siaruarterisinnaapput, tamanna inuussutissarsiorneq siunertaralugu ingerlanneqanngippat. Tamannali digitalinngortitanik qarasaasianik programminut atuutinngilaq qarasaasiakkut pinnguaatit eqqaassanngikkaanni.

Imm. 2. Pisortat suliffeqarfiutaat isumannaallisaaneq illersuinissarlu siunertaralugu suliat assinginik sanasinnaapput.

Imm. 3. Suliaq ataaseq pisortat suliffiutaata katersaanni tamakkiisuunngippat immik-koortunik amigaataasunik suliffeqarfik suliat assinginik sanaartorsinnaavoq, suliaq nalinginnaasumik niuerfimmi imaluunniit saqqummersitsisumi pissarsiarineqarsinnaappat.

Imm. 4. Atuakkanik atorniartarfiit suliat assinginik saqqummersinneqarsimasunik sanasinnaapput, atuakkanik atorniartarfiup katersaataanni pissarsiarineqarsinnaasariaqartut, nalinginnaasumik niuertarfinni saqqummersitsisumiluunniit pissarsiarineqarsinnaanngitsut.

Imm. 5. Piginneqqaartussaaneq akornusiinngilaq suliat assinginik sanasinnaamermut Atuagaateqarfiit pillugit Inatsisartut inatsisaanni aalajangersakkat naapertorlugit.

Imm. 6. Suliat assingi imm. 3-4 malillugu sananeqarsimasut atuisunut atortinneqarsinnaapput. Immikkut pisuni aamma taamaapput imm. 2 malillugu suliat assingi. Oqaaseqatigiinni siullerni aappaannilu aalajangersakkat assiliivik atorlugu assilisanut aamma suliat assinginut digitalinut nipinilluunniit immiussanut atorneqassanngillat.

Imm. 7. Imm. 2-4 malillugit suliarineqartunik suliat assinginik atoqqiisinaanermut piginnaa-titaanermut allatigut malittarisassat atuuttut apeqqutaapput.

§ 16 a. Suliat tamanut saqqummiunneqarsimasut § 16, imm. 1-imi taaneqartuni pisortat suliffiutaanni inunnut ataasiakkaanut teknikikkut atortut iluaqutigalugit misissugassanngortin-neqarsinnaapput.

Imm. 2. Suliat assingi pilersinneqarsimasut imaluunniit tunniunneqarsimasut Allagaateqarfiit pillugit Inatsisartut inatsisaanni tunniussisussaanermut pisussaaffeqarneq naapertorlugu, imm. 1-mi aalajangersagaq apeqqutaatinnagu taamaallaat Nunatta Atuagaateqarfiani atugassiissutigineqarsinnaapput inunnut ataasiakkaaraluni atortitsisarnikkut.

Imm. 3. Imm. 2-mi pineqartup ingerlatsiviup nassiussinnaallugillu atugassiissutigisinnaavai pisussaaffik naapertorlugu suliat, radiokkut aamma isiginnaarutikkut aallakaatunneqarsimasut, filmiliat aamma suliat elektroniskiusuni attaveqaatini saqqummiunneqareersimasut, ilisimatusarnermik siunertanut atugassatut, suliat nalinginnaasumik niuernikkut pissarsiarineqarsinnaanngippata. Suliat assingi taamaattut allatut iliornikkut iluaqutiginiarneqassanngillat.

§ 16 b. Pisortat atuagaateqarfii atuagaateqarfiillu allat, pisortaniit tamakkiisumik ilaannaakuusumilluunniit aningaasalersorneqartut allaaserisanik aviisineersunik, atuagassianeersunik katitikkatullu sulianeersunik, atuakkaniit atuakkiatullu saqqummersitaniit allaniit immikkoortunik

naannerusunik kiisalu assiliartaniit nuutiniillu oqaasertaliussanut attuumassuteqartunik piunaf-figineqarnikkut atuisinnaapput § 50 malillugu isumaqatigiissummi piginnaatitsissutit pillugit piunasaqaatit naammassineqarpata. Oqaaseqatigiinni siullerni pineqanngillat radiokkut isigin-naarutikkulluunniit aallakaatitat imaluunniit suliat kikkunnit tamanit pissarsiarineqarsinnaasunngortitat sumiiffinni piffissanilu aalajangersimasuni, tak. § 2, imm. 4, nr. 1, titarnerit aappaat.

Imm. 2. § 50, imm. 4 malillugu kattuffik imm. 1-imi isumaqatigiissuteqarsinnaanermut ilaasoq isumaqatigiissuteqarnissamut naammaginangitsunik piunasaqaateqarnerisq apeqquserneqarpata illuatungeriit arlaata apeqqut eqqartuussivinnut suliaassanngortissinnaavaa.

Inuit isigisaqarnikkut, tusaasaqarnikkut imaluunniit atuarsinnaanikkut innarluutillit il.il.

§ 17. Suliat saqqummiunneqarsimasut assingi atorneqarsinnaallutillu siaruarterneqarsinnaapput atorneqartut siaruarterneqartullu tappiitsunut, isigiarsuttunut, tusilartunut oqallorluttunullu aammalu inunnut allanut innarluuteqarneq patsisigalugu allakkanik naqitanik atuarsinnaanngitsunut immikkut atugassatut suliaappata, kiisalu §§ 17 a-17 d-mi aalajangersakkat atorneqanngippata. Oqaaseqatigiinni siullerni aalajangersagaq atortuutinneqassanngilaq inuussutissarsiteqarnermut atatillugu atuinerit imaluunniit siaruarternernut.

Imm. 2. Imm. 1-imi aalajangersakkat atortuutinneqassanngillat naqitat nipilerlugit immiunneqarnerinut imaluunniit atuinerit taamaallaat nipilersukkanik imalinnut.

Imm. 3. Namminersorlutik Oqartussat kommunillu ataanniittut suliffeqarfut isumaginninermik suliaqarfusut, isigiarsuttut tusilartullu atugassaannik suliat assinginik pilersitsisinnaapput radiokkut isiginnaarutikkulluunniit aallakaatinneqartussanik, isumaqatigiissuteqarnikkut piunasaqaatit § 50 naapertorlugu naammassineqarpata. Taamatut immiussat § 50-imi tunngavigineqartumut isumaqatigiissummut ilaasunut suliffeqarfut iluini taamaallaat atorneqassapput. Oqaaseqatigiit siulliit aappaallu §§ 17 a-17 d-mut ilaasunut immikkoortunut atuutinnngillat.

17 a. §§ 17 a-17 d-mi paasineqarput:

1) Inuit isimikkut atuarnissakkulluunniit innarluuteqartut: inuit allanik innarluuteqarsinnaaneri apeqqutaatinnagu:

a) tappiitsuusoq;

b) isigisaa annikillimasooq, iluarsineqarsinnaanngitsoq taamaattumillu naliginnaasumik isigisaqalersinnaanani, naqitanik atuarsinnaanani taamaattumillu inuttut naliginnaasumik isigisaqartutulli sulianik naqitanik atuarsinnaanani,

c) tigusinissamut atuarsinnaanermulluunniit innarluuteqartoq taamaattumillu inuttut innarluuteqanngitsutulli sulianik naqitanik atuarsinnaanani, imaluunniit

d) arlaatigut timikkut innarluuteqarnini pissutigalugu atuakkamik tigungmiaqarsinnaanngitsoq imaluunniit isiminik iluamik aqutsisinnaannginnini pissutigalugu naqitanik atuarsinnaanngitsoq.

2) Iluseq (format) pissarsiarineqarsinnaasoq: allaanerumik saqqumminneqartut imaluunniit allatut ilusilerlugit saqqummiunneqartut, inummut isimigut atuarsinnaanermigulluunniit innarluutilittut nr.

1-imi taaneqartutut pisinnaasamigut sulianut ajoquteqanngitsutulli innarluuteqanngitsutulli ajornanngitsumik iluarisaminillu periarfissaqartumut atuinissamut.

3) Immikkoortoq piginnaatinneqartoq: naalagaaffimmit akuerisaasoq imaluunniit immikkut ilisimaneqartoq inuussutissarsiutiginagu tulluarsagaasumik inunnut isigisamikkut atuarsinnaanermikkulluunniit innarluutilinnut ilinniartitsinissamut, atuartitsinissamut paasisutissanilluunniit pissarsinissamut ikiortiusartoq. Tassani aamma ilaapput pisortat suliffiutaat imaluunniit aningaasarsiutiginagu kattuffiit inunnut isigisamikkut atuarsinnaanermikkulluunniit innarluutilinnut pingaarnertut sulissisut imaluunniit pisortat pisussaaffeqarneranni sullissisuusut imaluunniit nalinginnaasumik taamaatut innarluuteqartunut sullissisuusut.

§ 17 b. §§ 17 c – 11 e atuakkanut, atuagassianut, aviisinut allatulluunniit allatanut, ilisimatit-sissutinut taakkunungalugu atasunik saqqummersitanut sunulluunniit tamanut saqqummiussanut sulianut atorneqarput.

§ 17 c. Inuk isigisamigut atuarsinnaanikkulluunniit innarluutilik, imminut sinnerluni iliu-seqartoq, ilusunik (formater) pissarsiarineqarsinnaasunik sanasinnaavoq. Ilusit pissarsiarineqarsinnaasut taamaallaat inunnit isigisamikkut atuarsinnaanermikkulluunniit innarluuteqartunit atorneqarsinnaapput.

Imm. 2. Immikkoortoq piginnaatinneqartoq inunnut isigisamikkut atuarsinnaanermikkulluunniit innarluuteqartunut allanut ilusunik (formater) pissarsiarineqarsinnaasunik naalagaaffimmi sanasinnaavoq, nuussisinnaavoq, atugassanngortitsisinnaavoq, siaruarterisinnaavoq imaluunniit atorniarititsisinnaavoq. Oqaaseqatigiit siulliit malillugit ilusit inunnut isiginiarnermikkut atuarsinnaanermikkulluunniit innarluutilinnut atugassat aningaasannanniutigineqassanngillat.

Imm. 3. Inuk, isiginiarnikkut atuarsinnaanikkulluunniit innarluutilik, imaluunniit immikkoor-toq piginnaatinneqartoq immikkoortuminnganniit allamit piginnaatinneqartumiit naalagaaffimmiit pilersinneqartumiit ilusunik (formater) pissarsiarineqarsinnaallutik nuunneqartunik, atugassan-gortinneqartunik, siammarterneqartunik imaluunniit atorneqarsinnaasunngortinneqartunik pissarsisinnaassaaq.

Imm. 4. Imm. 1-3 isumaqatigiissuteqarnikkut saneqqunneqarsinnaanngillat.

§ 17 d. Immikkoortoq piginnaatinneqartoq naalagaaffimmi pilersinneqarsimasoq atuippat, § 17 c, imm. 2, piginneqqaartussaataasooq taarsiiffigineqarnissamut piumasaqarsinnaavoq, taamaattorli tak. imm. 2 oqaaseqatigiit siulliit atorneqassanngillat piginneqqaartuusumut ajoqusiineq annikippat.

Imm. 2. Taarsiisoqassanngilaq immikkoortoq piginnaatinneqartoq naalagaaffimmi pilersin-neqarsimasooq taamaallaat inunnit isigisamikkut atuarsinnaanermikkullu innarluutilinnit atorneqartus-sanik immikkoortutut allassimasunik imaluunniit allatut iluseqartunik pissarsiarineqarsinnaasunik sanasimappat, nuussisimappat, periarfissisimappat, siammarterisimappat atukkiussisimappalluunniit.

Imm. 3. Imm. 1 malillugu taarsiisoqarnissaa pillugu isumaqatigiittoqarsinaanngippat illuatungeriit arlaata apeqput eqqartuussivinnut suliassanngortissinnaavaa.

Imm. 4. Namminersorlutik Oqartussat imaluunniit kommunit ingerlatsivii aamma isumaginninnikkut inuiaqatigiilluunniit tamat pillugit ingerlatsiviit allat isigisamikkut tusaaniarnermikkut innarluuteqartunut atugassatut nipinik imaluunniit assinik immiussanik sulianik

amerlasuunngortitsisinnaapput, radiukkut imaluunniit isiginnaarutikkut aallakaatinneqarsimasuniit, isumaqatigiissutaasumut licens-imut § 50 naapertorlugu piumasqaataasut naammasineqarsimappata. Immiussat taamaattut isumaqatigiissutaasup iluani taamaallaat atorneqarsinnaapput ingerlatsivinniit § 50-mi taaneqartuniit.

*Allaaserisat assigiimmik sammisaqarfiusut naleqatigiissulluunniit
ilinniartitsinermik ingerlatsinermi atugassatut suliarineqarnerat il.il.*

§ 18. Atuakkiat erinniallu immikkuualuttui annikitsut sulialluunniit taama ittut anner-tunngitsut, suliamik pilersitseqqartut amerlanerusut suliatut katitigaanni ilanngussat atuartitsinermi atugassatut tiguneqarnissaat akuerisaavoq suliap saqqummerneranniit ukiut tallimat qaangiunneranni. Oqaasertaliussanut atatillugit eqqumiitsuliat nassuiaataasumillu suliat, tak. § 1, imm. 2, aamma atorneqarsinnaapput ukiup taakkua tamanut nalunaarutigineqarfigisaata kingornatigut ukiut tallimat qaangiunneranni. Suliamik pilersitseqqartoq akissarsiasaminik piumasqaartussaavoq. Akissarsiap annertussusissaa isumaqatigiissutigineqarsinnaanngippat illuatungerisat arlaata apeqquut eqqartuussivinnut suliaassanngortissinnaavaa.

Imm. 2. Sulianut atuartitsinermik ingerlatsinermi atugassatut suliaasunut imm. 1-imi aalajangersagaq atuutissanngilaq, aamma atugassanngortinneqarsimappata inuussutissarsiutaasumik.

Imm. 3. Taallat erinarsugassat naqitigaareersut ataasiakkaat erinarsuutini kakkersakkani atorneqarsinnaapput ataatsimiinnermi peqataasunut atugassatut. Taamaattoq erinarsuutit kakkersakkat ataasiakkaat 300-t sinnerlugit pilersinneqarsinnaanngillat.

Suliat assingisa siaruarterneqarnerat

§ 19. Suliap assinga suliamik pilersitseqqartup akuersereerneratigut tunineqarpat allatulluunniit allanut tunniunneqarsimappat suliap assinga siammarterneqarsinnaavoq.

Imm. 2. Imm. 1-imi aalajangersagaq apeqqutaatinnagu suliamik pilersitseqqartoq akuerse-reertinnagu suliat assingi attartortitsinikkut inunnit tamanit pissarsiarineqarsinnaassanngillat. Tamannali atuutinnngilaq illulianut pigisassanngorlugillu eqqumiitsulianut.

Imm. 3. Imm. 1-imi aalajangersagaq apeqqutaatinnagu suliamik pilersitseqqartoq akuer-seereertinnagu filmiliat assingi aamma qarasaasianut programmit digitali atorlugu suliat assingi atorniartitsinikkut inunnit tamanit pissarsiasanngortinneqassanngillat. Tamannali atuutissanngilaq qarasaasianut programmi digitalinngortitaq atorlugu suliamut, taanna atuakkiap immikkoortorippagu taassumunngalu ilanngullugu atukkiunneqarpat.

Imm. 4. Imm. 1-imi aalajangersagaq atuagaateqarfimmiittuuteqarnermut akissarsiat pillugit Inatsisartut inatsisaat malillugu akissarsisinnaanermut il.il. killiliisuunngilaq.

Suliat assingisa takutinneqarnerat

§ 20. Suliaq saqqummiunneqarsimappat imaluunniit eqqumiitsuliap assinga suliamik pilersitseqqartumit allanut tunniunneqarsimappat saqqummiunneqartut assilluunniit tunniun-neqartut tamanut takutinneqarsinnaapput.

Tamanut saqqummiineq

§ 21. Suliaq saqqummigaareersoq isiginnaartitsisarfimmi isiginnaagassiaanngitsoq filmigas-saanngitsorluunniit inunnut tamanut saqqummiunneqarsinnaavoq

- 1) pisoqarfinni tusarnaartut isiginnaartulluunniit akeqanngitsumik najuuffigisinnaasaanni, saqqummiineq immi pingaarnepaatut inissisimangippat inuussutissarsiutaanissaluunniit siunertaanngippat, aamma
- 2) saqqummiineq naalagiarnermi atuutitsinermiluunniit pippat.

Imm. 2. Imm. 1, nr. 2-mi aalajangersagaq atuutissanngilaq radiokkut isiginnaarutikkulluunniit saqqummiinermut aammalu ilinniartitsinermik sulinermi inuussutissarsiuteqarnissaq siunertaralugu pisumi saqqummiinermut.

Issuaaneq

§ 22. Ajunngitsumik ileqqoqarneq naapertorlugu siunertarisamillu qaangiisuunngitsumik suliamit tamanut saqqummiussamit issuaanissaq akuerisaavoq.

Eqqumiitsulianik il.il. atuineq

§ 23. Eqqumiitsuliat suliallu nassuiaataasumik pissuseqartut, tak. § 1, imm. 2, tamanut saqqummiunneqarsimasut suliani isornartorsiutitut sanaajusuni ilisimatusaatinilu oqaasertaannut atatillugit atorneqarsinnaapput ajunngitsumik ileqqoqarneq naapertorlugu siunertarisamillu qaangiisuunngitsumik. Atuineq inuussutissarsiornermut attuumassuteqassanngilaq.

Imm. 2. Eqqumiitsuliat tamanut saqqummiunneqarsimasut ulluni pisimasunik eqqartuinikkut aviisini atuagassianilu atorneqarsinnaapput ajunngitsumik ileqqoqarneq naapertorlugu siunertarisamillu qaangiisuunngitsumik. Oqaaseqatigiinni siullerni aalajangersagaq sulianut aviisini atuagassianiluunniit atorneqarnissaat siunertaralugu saqqummiussanut atuutinngilaq.

Imm. 3. Eqqumiitsuliaq eqqumiitsuliilluunniit assingi saqqummiunneqarsimasut suliamillu pilersitseqqaartumit allanut tunniunneqarsimasut aviisini, atuagassiani, filmi isiginnaarutikkullu atorneqarsinnaapput atuineq tamanna pineqartumi pingaarpaajunngikkaangat.

§ 24. Eqqumiitsuliat katersugaatinut ilaasut imaluunniit saqqummersitat tuniagassanngortinneqartulluunniit katersugaatit pillugit katalogini aammalu saqqummersitsinissamik tuniniaanissamilluunniit nalunaarutini atorneqarsinnaapput. Eqqumiitsuliat taamatut ittut saqqummersitsineq tuniniaanerluunniit pillugu nalunaarutini aamma atorneqarsinnaapput, tassani ilaalluni tamanut pissarsiarineqarsinnaasunngortitsineq.

Imm. 2. Eqqumiitsuliat assilineqarsinnaapput illoqannginnersani acquisinerniluunniit inuit tamat tikittagaanni sivisuumik saqqumisimagunik. Eqqumiitsuliaq pingaarnersaalluni takusassiaappat atorneqarneralu inuussutissarsiutitut iluaqutiginiarneqarpat oqaaseqatigiinni siullerni aalajangersagaq atuutissanngilaq.

Imm. 3. Illuliat piumasamik assilillugit atorneqarsinnaapput.

§ 24 a. Eqqumiitsuliat tamanut saqqummiussat assilineqarsinnaapput § 50 malillugu licen-
simik isumaqatigiissummi piumasqaatit naammassineqarpata. Tamannali atuutissanngilaq peqataa-
sunik isumaqatigiissuteqarfusut arlaannut piginneqqaartussaasoq suliap assilineqarnissaanut inerteq-
quteqarsimappat.

Imm. 2. § 50, imm. 4 malillugu kattuffik imm. 1-imi pineqartunik isumaqatigiissuteqar-
sinnaasoq isumaqatigiissuteqarnissamut naammaginangitsunik piumasqaateqarnerisooq apeqquuser-
neqarpat illuatungeriit arlaata apeqquut eqqartuussivinnut suliassanngortissinnaavaa.

Ullormut pisimasunik nutaarsiassatut ilanngussineq

§ 25. Suliamik ataatsimik saqqummiineq takutitsinerluunniit ullormut pisimasut ilaannut
ilanngunneqarsinnaavoq radiokkut, filmiliakkut isiginnaarutikkulluunniit atorneqarluni, ullormut
pisimasup sammineqarneranut pissusissamisoortutut ilaatinneqaruni.

Isumaqatigiinniarnert tamanut ammasut, paasitinneqarsinnaatitaanerit il.il.

§ 26. Folketingimi, Inatsisartuni kommunalbestyrelsini aamma nunaqarfinni aqutsisuni
pisortanilu allani inunnit qinigaasuni, eqqartuussivinni suliani aammalu ataatsimiinnerni tamanut
ammasuni isumaqatigiinniarnert atorneqarsinnaapput, oqaluuseriniarlugit tamanut ammasuni
ataatsimiinnerni, piginneqqaartuusoq akuersitinnagu. Suliamilli piginneqqaartuusoq nammineq
oqaaserisani katersorlugit naqiterisitsinissamut kisermaassisussaataavaoq.

§ 27. Suliat assingi inatsit manna malillugu illersugaasut pisortani oqartussanut taassuma
ingerlatsineranut atasumik apuunneqarsimappata suliat assinginik tamakkuninnga allat paasitinne-
qarnissaminnik piumasqaarnerannut, matumani aamma assilineranik nuutsinneranilluunniit piuma-
saqarnerannut, tamanna pillugu inatsiliani aalajangersakkat naapertorlugit, piginneqqaartussa-
titaaneq akornutaassanngilaq. Pisortani oqartussat eqqartuussiviilluunniit suliaannut tamanna aamma
atuuppoq.

Imm. 2. Toqqortat pisortat toqqorsiviannut tunniunneqarsimasut toqqorsiviit pillugit inat-
sisip tamanna pillugu aalajangersagai, matumani aamma toqqorsiviit pillugit Namminesorlutik
Oqartussat inatsisiliaat, naapertorlugit inunnit tamanit pissarsiarineqarsinnaalernissaannut piginneq-
qaartussaataaneq akornutaassanngilaq. Taamaattoq inuit namminneq toqqortaataannit assilisat,
Namminesorlutik Oqartussat toqqorsivinnut inatsisiliorfigisinnaasaasa avataanniittuusut tunniunne-
qarsinnaanngillat.

Imm. 3. Suliat imm. 1 imaluunniit 2 naapertorlugit pissarsiarineqarsinnaatitaasut imaluunniit
taakkua atorneqarneri nuutsinneqarneriluunniit tunniunneqarsimasut annertunerusumik atorne-
qarsinnaanissaannut maleruagassat allat atuuttut aalajangiisuussapput.

§ 28. Siunertaq apeqqutaatillugu

- 1) eqqartuussisut suliaannut aamma allaffissornikkut ataatsimiititani taamaaqataannilu sulia-
nut, aamma
- 2) pisortat oqartussaanni suliffeqarfinnilu Folketingip imaluunniit Inatsisartut ataanni inissi-
simasuni suliassanik suliarinninnermut atatillugu suliat atorneqarnissaat akuerisaavoq.

Imm. 2. Annertunerusumik atuinissami maleruagassat allat atuuttut aalajangiisuussapput.

Illunik aamma pigisassatut eqqumiitsulianik allanngineq

§ 29. Suliamik pilersitseqqaartoq akuersiteqqaarnagu illut teknikimut tunngasut pissutigalugit atorluarsinnaanerunissaalluunniit eqqarsaatigalugu piginnittumit allanngortinneqarsinnaapput.

Imm. 2. Pigisat atortorisat suliamik piginnittumit allanngortinneqarsinnaapput, pilersitseqqaartumit akuerineqanngikkaluarluni.

Radio isiginnaarullu pillugit immikkut aalajangersakkat

§ 30. Kalaallit Nunaata Radioata suliat saqqummiunneqarsimasut radiokkut isiginnaarutikkulluunniit aallakaatissinnaavai § 50 malillugu licens pillugu isumaqatigiissutit eqquutsinneqarsimappata. Oqaaseqatigiinni siullerni aalajangersagaq isiginnaagassianut filmigassianullu atuutinngilaq.

Imm. 2. Imm. 1 naapertorlugu suliap aallakaatinneqarnissaa suliamik pilersitseqqaartup radiomik isiginnaarummillu suliaqarfimmu inertequtigisinnaavaa.

Imm. 3. Imm. 1-imi 2-milu aalajangersakkat allanut, radiomik isiginnaarummillu suliaqarfinnut isumaqatigiissuteqarfigineqarsimasunut, taamatulli atortinneqarnissaat kulturministerip aalajangersarsinnaavaa.

Imm. 4. Imm. 1-imi aalajangersagaq aamma atorneqassaaq suliamik pilersitseqqaartup suliap assinga ataaseq arlallilluunniit allanut tunniussimappagit.

Imm. 5. Imm. 1-imi oqaaseqatigiinni siullerni aalajangersagaq atuutinngilaq radiokkut isiginnaarutikkullu aallakaatitanut qaammataasakkoortunut, aallakaatitsissutit nunamiittut atorlugit radiomik isiginnaarummillu aallakaatitsisartoq pineqartoq aallakaatitsinngippat.

Imm. 6. § 50, imm. 4 malillugu kattuffik imm. 1-imi taaneqartutut isumaqatigiissuteqarsinnaanermut ilaasoq isumaqatigiissuteqarnissamut naammaginngitsunik piumasqaateqarnerisoq apeqquserneqarpat illuatungeriit arlaata apeqqut eqqartuussivinnut suliassanngortissinnaavaa.

§ 30 a. Suliat tamanut saqqummiussat, KNR-ip nammineq aallakaatitassiaani ilanngunneqartussat, KNR-imit aallakkateqinneqarsinnaallutillu sumiiffinni piffissanilu immikkut toqqartukkani tamanit pineqarsinnaanngorlugit atugassiissutaasinnaapput, tak. § 2, imm. 4, titarnerit aappaat, isumaqatigiissummi § 50 malillugu patsisissaatitat eqquutsinneqarsimappata. Oqaaseqatigiinni siullerni aalajangersagaq taamatulli atortuutinneqassaaq suliat assinginik pilersitsinermut, issuaanissaq pillugu pisariaqartinneqartunut. Oqaaseqatigiinni siullerni aappaannilu aalajangersakkat taamaallaat atuutissapput sulianut, aallakaatitassiani 1. januar 2007 sioqqullugu aallakaatinneqa-reersimasuni ilaatinneqartussanut.

Imm. 2. Imm. 1 naapertorlugu suliap aallakaatinneqarnissaa suliamik pilersitseqqaartup radiomik isiginnaarummillu suliaqarfimmu inertequtigisinnaavaa.

§ 31. Radiomik imaluunniit isiginnaarummik suliaqarfiit aallakaatitsinerminnut atugassaminnik sulianik immiussissummut, filmimut sakkumulluunniit allanut tamakkuninnga atuisinnaasumut immiussisinnaapput sulianik pineqartunik aallakaatitsisinnaatitaagunik. Suliat taamatut

immiussat inunnut tamanut pissarsiarineqarsinnaalernissaannut maleruagassat allat atuuttut aalajangiisuussapput.

Imm. 2. Taamatut immiussinissamut taakkulu atorneqarnissaannut paarineqarnissaannullu piumasaqaatit pillugit maleruagassat erseqqinnerusut kulturministerip aalajangersarsinnaavai.

§ 32. Oqallinnernik apeqquutit tamanut tunngasut oqallisigineqarfigisaannik radiokkut isiginnaarutikkullu aallakaatitsinerit pilersitseqqaartoq akuersiseqqaartinnagu atorneqarsinnaapput. Pilersitseqqaartuusorli nammineq oqaaserisaminik kisimiilluni naqitanngortitsisinnaatitaavoq.

§ 33. Suliat radiokkut isiginnaarutikkulluunniit aallakaatinneqartut immiussissummut, filmimut sakkumulluunniit allamut tamakkuninnga atuisinnaasumut immiunneqarsinnaapput, taakkua Statens Mediesamling-imi kiisalu Kalaallit Nunaata Atuagaateqarfiata Groenlandica-mi katersugaatini paarineqassallutik, aallakaatitaq qularnartortaqqanngitsumik uppersaatissalittut naleqarpat. Mediesamling aamma Groenlandica-mik katersugaatit aallakaatitat assinginik ataasiakkaanik sanasinnaapput isumannaallisaaneq illersuinissarlu siunertaralugit aammalu ilisimatusarnermi atugassatut. Annertunerusumik atuisinnaatitaanissamut maleruagassat allat atuuttut aalajangiisuussapput.

Imm. 2. Imm. 1-imi aalajangersakkap pisortat toqqorsiviutaannut allanut aamma atortinneqarnissaa kulturministerip aalajangersarsinnaavaa.

§ 34. Radiomik imaluunniit isiginnaarummik suliaqarfiit piumaffigineqarnertik malillugu radiomi isiginnaarummilu aallakaatitat immiunneqarnerannik inunnut suliffeqarfinnullu aallakaatitani pineqartuni peqataasimasunut imaluunniit aallakaatitami aalajangersimasumi eqqartuinikkut imaluunniit aallakaatitap pineqartup tamanut ammasumik eqqartorneqarnerani inunnut innarlerneqarsimasutut isumaqarfigisunut tunniussisinnaapput. Immiussat oqaaseqatigiit siulliit naapertorlugit tunniunneqartut nammineq atugassatut taamaallaat atorneqassapput.

§ 35. Suliat radiokkut isiginnaarutikkulluunniit silaannakoorlugit aallakaatinneqartut kabel-eqarfiit aqputigalugit ataatsikkut allannngortinnagillu aallakaatinneqarsinnaapput taamatullu radiokkut atortut iluaqutigalugit inunnut tamanut aallakaateqqinneqarsinnaallutik § 50 malillugu isumaqatigiissutini tunngavigisassat eqquutsinneqarsimappata. Pisinnaatitaaffinnut radiomik imaluunniit isiginnaarummik suliaqarfiit pigisaqarfigisaannut oqaaseqatigiinni siullerni aalajangersagaq atuutinngilaq.

Imm. 2. Suliat radiokkut isiginnaarutikkulluunniit silaannakoorlugit aallakaatitanut ilaasut nammineq antennikkoorlugit tigoorarneqartut kabel-eqarfiit marlunnit amerlanerunngitsunit attaveqartut aqputigalugit imm. 1-imi aalajangersagaq apeqqutaatinnagu aallakaateqqinneqarsinnaapput.

Imm. 3. Atortumik imm. 1-imi taaneqartut ittumik piginnittup akisussaaffigaa radiokkut isiginnaarutikkullu aallakaatitassianik atortukkut aallakaatitseqqinnissamut isumaqatigiissuteqarnissaq. Akissarsarritassaq imm. 1 naapertorlugu isumaqatigiissutaasoq malillugu imaluunniit § 48, imm. 1 malillugu eqqartuussiviit aalajangiinerannut naapertuuttumik piginnittup akiligassaa attaveqartumut ataatsimut aningaasanngorlugu aalajangersagaappat attavimmut ataatsimut atuisup pisussaaffigaa aningaasat taakku amerlaqataasa piginnittumut akilernissaat.

Imm. 4. Suliat radiokkut isiginnaarutikkulluunniit aallakaatinneqartut, imm. 1-imi aalajangerneqartumit allaanerusumik atorneqarsinnaapput, isumaqatigiissummi § 50 malillugu piumasaqaatit naammassineqarpata. Suliap assinginik sananeq sumiiffinnilu piffissamilu immikkut toqqarneqartuni inuinnaat iserfigisinnaasaanni sulianik periarfissiineq, tak. § 2, imm. 4, nr. 1, piffissaliussaq alajangersimasoq naapertorlugu pissaaq.

Imm. 5. Suliat radiokkut isiginnaarutikkulluunniit ingerlatsisumi imatut atugassanngortinneqartut sumiiffinni piffissamilu immikkut toqqarneqartuni inuinnaat iserfigisinnaasaanni, tak. § 2, imm. 4, nr. 1, allanit imatut periarfissiissutaassapput sumiiffinnilu piffissami immikkut toqqarneqartuni inuinnaat iserfigisinnaasaanni, tak. § 2, imm. 4, nr. 1, periarfissiineq radiokkut isiginnaarutikkulluunniit ingerlatsisutulli piffissami ingerlanneqarpata aamma isumaqatigiissummi § 50 malillugu piumasaqaatit naammassineqarsimappata. Suliat assinginik sananeq, periarfissiinissamut pisariaqartinneqartunik periarfissaavoq.

Imm. 6. Imm. 4-imi aamma 5-imi aalajangersakkat atuutissanngillat, suliap atorneqarnissaanut piginneqqaartussaataasooq isumaqatigiissummi peqataasut arlaannut inerteqquteqarsimappat. Aalajangersakkat pisinnaatitaaffinnut radiomik isiginnaarutikkulluunniit ingerlatsisunit pigineqartunut atuutinngillat.

Imm. 7. § 50, imm. 4 malillugu kattuffik imm. 1-imi ilaasunik isumaqatigiisuteqarsinnaanermut ilaasoq isumaqatigiisuteqarnissamut naammaginangitsunik piumasaqaateqarnersoq apeqquserneqarpata illuatungeriit arlaata apeqqut eqqartuussivinnut suliassanngortissinnaavaa.

Qarasaasianut programmit il.il. pillugit immikkut aalajangersakkat

- § 36.** Kinaluunniit qarasaasianut programmimik atuinissamut pisinnaatitaasoq
- 1) programmip assinginik taamaattunik sanasinnaatitaavoq programminillu allannnguisinnaalluni taassuma siunertaa malillugu pineqartup atuinissaanut pisariaqartumik, matumanittaaq kukkurnernik iluarsisinnaalluni,
 - 2) programmip assinganik sillimmasiorsinnaavoq taassuma atornissaanut tamanna pisariaqarpata, aamma
 - 3) qarasaasiamut programmi qimerloorsinnaallugu, misissorsinnaallugu misilissinnaalluguluunniit programmip immikkuualuttuinut ataasiakkaanut isumassarsiat tunngavigisallu nalorninaalliniarlugit taamaaliernerlu programmimik atuaanikkut, skærmikkut takunninnikkut, ingerlatitsinikkut, nuussinikkut, toqqorsinikkut taamaaqataanilluunniit pineqartup suliarinissaanut pisinnaatitaaneratul pippat.

Imm. 2. Kinaluunniit databasemik atuisinnaatitaasoq iliuuseqarsinnaavoq pineqartup database imarisaanut isersinnaanissamut naliginnaasumillu taassuminnga atuinissamut.

Imm. 3. Imm. 1, nr. 2-mi 3-milu kiisalu imm. 2-mi aalajangersakkat isumaqatigiisusior-toqarneratigut sanioqqunneqarsinnaanngillat.

§ 37. Qarasaasianut programmip kodeata assinganik aamma kodep ilusaanik nutserinissaq akuerisaavoq, tamanna qarasaasianut programmip immikkoortillugu ineriartortitap aamma qarasaasianut programmit allat akornanni ingerlaqatigiilersitsisinnaanissamut paasissutissat pisariaqartut pissarsiarinissaannut tunngavissaqarpata aammalu

- 1) suliaq akuersissummik pigisaqartumit inummilluunniit allamit qarasaasianut programmip assinganik atuinissamut pisinnaatitaasumit, imaluunniit taakku sinnerlugit inummit taamaalorsinnaatitaasumit suliarineqarpat
- 2) ingerlaqatigiilersitsisinnaanissamut paasissutissat pisariaqartut inunnit nr. 1-imi taaneqartunit ajornanngitsumik sukkasuumillu siusinnerusukkut pissarsiarineqarsinnaasimanngippata, aamma
- 3) suliaq qarasaasianut programmip ingerlaqatigiilersitsisinnaanissamut pisariaqartup pioqqaartup immikkuualuttuinut killiligaappat.
Imm. 2. Imm. 1-ip atorneqarneranut atatillugu paasissutissat pissarsiarineqartut
- 1) qarasaasianut programmip immikkoortillugu ineriartortitap ingerlaqatigiilersissinnaanissaanut siunertanut allaasunut atorneqassanngillat,
- 2) inummut allamut tunniunneqassanngillat, tamanna qarasaasianut programmip immikkoortillugu ineriartortitap ingerlaqatigiilersissinnaanissaanut pisariaqartinneqanngippat, imaluunniit
- 3) qarasaasianut programmimik pioqqaartumut annertuumik assigiissuteqartumik ineriartortitsinissamut, sananissamut nioqputtissaliorniarluniluunniit iliuseqarnissamut suliamik pilersitseqqaartuunermik innarliisumik atorneqassanngillat.
Imm. 3. Imm. 1-imi 2-milu aalajangersakkat isumaqatigiissuteqarnikkut sanioqqunneqarsinnaanngillat.

Inuussutissarsiutigalugu eqqumiitsulianik tuniniaaqqinnermi akissarsiat

§ 38. Eqqumiitsuliat assingisa inuussutissarsiutitut tuniniaaqqinneqarneranni tunisinermi akip 5 %-ianik suliamik pilersitseqqaartoq pissarsinissamut pisinnaatitaavoq.

Imm. 2. Imm. 1-imi aalajangersakkami pineqanngillat illuliat. Pigisassatut eqqumiitsuliat suliat assingi pineqanngillat arlalinngorlugit sananeqarsimappata.

Imm. 3. Akissarsiassap naatsorsorneqarnissaa pillugu maleruagassat erseqqinnerusut, matumani aamma tunisinermi akip appasinnerpaaffissaa akissarsiaqarsinnaatitaanissamik nassataqartusaq, kulturministerip aalajangersarsinnaavai.

Imm. 4. Akissarsiaqarsinnaatitaaneq atajuussaaq piginneqqaartussaataitanerup naanissaata tungaanut, tak. § 63. Pisinnaatitaaneq inummut tunngavoq allanullu tunniunneqarsinnaanani. Suliamillu pilersitseqqaartup toqoreerneratigut pisinnaatitaaneq suliamik pilersitseqqaartup katissimallugu aapparisaanit kingornussisussaanillu kingornunneqassaaq. Suliamik pilersitseqqaartoq katissimallugu aapparisaanik kingornussisussanillu qimataqanngippat akissarsinnaatitaaneq kattuffimmut imm. 5-imi taaneqartumut tutsinneqassaaq.

Imm. 5. Akissarsinnaatitaaneq taamaallaat atuutsinniarneqarsinnaavoq kattuffimmit Naalakkersuisunit akuerineqarsimasumit. Kattuffiup akileeqqusinissaq pisussaataitaasunullu agguaaassinissaq isumagissavaa. Pisussaataitaasup kattuffimmut piumasaqarsinnaanera ukiup tuniseqqiffiusup kingorna ukiut pingasut qaangiunnissaasa tungaanut atassaaq. Pisoqalisoorsinnaanera unitsinneqassaaq pisussaataitaasup allakkatigut piumasaqaateqarneratigut.

Imm. 6. Imm. 1-imi taaneqartut inuussutissarsiutitut tuniniaaqqinnermi tuniniaasok pisussaavoq eqqumiitsuliat tuniniarneqarnerat pillugu ukiumoortumik naatsorsuutit naatsorsuutinik kukkunersiuisumit naalagaaffimmit akuerisamit imaluunniit naatsorsuutinik kukkunersiuisumit nalu-

naarsorneqarsimasumit uppersarneqarsimasut kattuffimmut imm. 5-imi taaneqartumut nassiunnissaannut.

Imm. 7. Kulturministeri malittarisassanik pilersitsisinnaavoq sulianik ingerlatsisarneq pillugu, kattuffiup imm. 5-imi pineqartup akuersissutigineqartarneranut.

§§ 39-47. (Aalajangersakkat Kalaallit Nunaannut atortuulersinneqassanngillat.)

Aallakaatitseqqinneq immiussinerlu

§ 48. Kattuffiup imaluunniit radiomik isiginnaarummillu suliaqarfiup pissutissaqarpiarani suliati aallakaatitalluunniit silaannakkoorlugit aallakaatinneqartut kabel-eqarfiit aqcutigalugit ataatsikkut allannngortinnagillu aallakaatinneqarnissaat akueriumanngippagu imaluunniit naleqqutinngitsunik piumasqaateqarluni aallakaatitseqqinnissaq neqeroorutigippagu piumasqaartoqarneratigut eqqartuussiviit akuersissut nalunaarutigisinnaavaat tamatumani piumasqaatit erseqqinnerusut aalajangersarlugit. § 50, imm. 1-imi oqaaseqatigiit aappaanni aalajangersagaq taamatulli atortinneqassaaq.

Imm. 2. Radiomik imaluunniit isiginnaarummik suliaqarfiup aallakaatitaasa § 13, imm. 1-imi oqaaseqatigiinni siullerni oqaatsit kingullit imaluunniit § 17, imm. 4-mi pineqartutut immiussinissaq § 69 malillugu akueriumanngippagu imaluunniit taamatut immiussinissami patsisissaatit isumaqatigiissutigineqarsinnaanngippata illuatungeriit arlaata piumasqaateqarneratigut eqqartuussiviit akuersissut pisariaqartoq nalunaarutigisinnaavaat tamatumani piumasqaatit erseqqinnerusut aalajangersarsinnaallugit.

Imm. 3. Imm. 2-mi aalajangersagaq aatsaat atorineqassaaq suliamik pilersitseqqartut kattusimasut isumaqatigiissusiorsimappata § 50-imi, tak. § 13, imm. 1-imi oqaaseqatigiinni siullerni kingullit, imaluunniit § 17, imm. 3-mi pineqartumik. § 49-mi aalajangersagaq taamatulli atorineqassaaq.

Akissarsiatigut piumasqaatit pisoqalisoormeri

§ 49. § 17 d, imm. 1, § 18, imm. 1 aamma § 68 naapertorlugit akissarsiassat piumasarisinnaasat ukiup suliamik atuiffiusup piffiata naaneriit ukiut pingasut qaangiunneranni pisoqalissapput.

Imm. 2. Akissarsiassat piumasarisinnaasat kattuffimmit atuutsinniarneqarpata imm. 1-imi aalajangersagaq aamma atuuppoq suliamik pilersitseqqartup kattuffimmut piumasqaataanut.

Imm. 3. Pisoqalisoorsinnaanera unitsinneqassaaq allakkatigut piumasqaateqartoqarneratigut.

Isumaqatigiissuteqarnikkut licens pillugu ataatsimut aalajangersakkat

§ 50. §§ 13, 14 aamma 16 b, § 17, imm. 3, § 24 a, §§ 24 a, 30, 30 a aamma 35 malillugit licensimik isumaqatigiissutit tunngavigineqarsinnaapput suliamut pineqartumut Kalaallit Nunaanni piginneqqaartut amerlanerpaartaasa kattuffik pineqartoq ilaasortaaffigippasuk.

Imm. 2. Licensimik isumaqatigiissut taamaallaat atuisinnaatitsisutaavoq suliamik pilersitseqqartut sinniisuutitaqanngitsut suliaannut kattuffimmik isumaqatigiissuteqarsimanertut ittumik tamatumani piumasqaatit Kalaallit Nunaanni atorineqartut tunngavigalugit. Tamannali

atuutissanngilaq pilersitseqqaartoq isumaqatigiisummi peqataasut arlaannut suliap atorneqarnissaanut inerteqquteqarsimappat.

Imm. 3. Licensimik isumaqatigiisut sulianut suussutsimikkut taamaattunut allanut atuisinnaatitsissutaavoq sulianut taakkununga suliamik pilersitseqqaartut kattuffimmi sinniisuutitaqanngikkaluarpataluunniit. Licensimik isumaqatigiisut atuisinnaatitsissutaavoq suliamik pilersitseqqaartut sinniisuutitaqanngitsut suliaannut kattuffimmik isumaqatigiisuteqarsimanertut ittumik tamatumani piunasaqaatit tunngavigalugit.

Imm. 4. Kattuffiit pisinnaatitaaffeqartut, imm. 1-imut aamma 2-imut ilaasumik isumaqatigiisuteqartut, immikkoortuni erseqqinnerusumik allanneqartuni isumaqatigiisusior-nissamut Naalakkersuisunit akuerineqassapput. Immikkoortuni aalajangersimasuni kattuffik akuerisaasoq imm. 1 imaluunniit 2 malillugu piunasaqaatinik naammassinnittunit kattuffinnik arlalinnit ilaasortaaffiulluni ataatsimut kattuffiussasoq Naalakkersuisut aalajangiisnaapput.

Imm. 5. Kulturministeri ersarinnerusunik malittarisassiorsinnaavoq sulianik ingerlatsisarnermut kattuffiit akuersissutinik pigisaqartut imm. 4-mi pineqartut akuerineqartarnerinut.

§ 51. § 50 naapertorlugu suliamik atuinerni akissarsiassat suliamik pilersitseqqaartut kattuffimmi sinniisuutitaqartut akornanni agguataarneqarnissaannut maleruagassat kattuffiup aalajangersagai suliamik pilersitseqqaartunut sinniisuutitaqanngitsunut taamatulli atuutsinneqassapput.

Imm. 2. Suliamik pilersitseqqaartut sinniisuutitaqanngitsut immikkut akissarsiassamik piunasaqartussaapput taamatut pisinnaatitaaneq atuisumik isumaqatigiisummi imaluunniit akissarsiassat pillugit kattuffiup maleruagassiaani ilaangikkaluarpalluunniit. Immikkut akissarsiassap annertussusissaa pillugu isumaqatigiittoqarsinnaanngippat illuatungerisap arlaata apeqquut eqqartuussivinnut suliassanngortissinnaavaa.

Imm. 3. Akissarsiassamik piunasaqaatit § 50 imm. 4 naapertorlugu § 35 malillugu suliamik atuinermut atatillugu kattuffiit akuerineqartut saqqummiukkumasaat peqatigisaanik atuisumut saqqummiunneqassapput.

Imm. 4. Aalajangersakkat imm. 1-imi 2-milu taaneqartut naapertorlugit akissarsiassamik piunasaqaatinut § 49-mi aalajangersagaq taamatulli atuutsinneqassaaq.

§ 52. § 13-imi, 14-imi, 16 b-mi § 17, imm. 3-mi, § 24 a-mi aamma § 30 a-mi taaneqartut isumaqatigiisuteqarnissamik isumaqatigiinniuteqarnerit angusaqarfiunngippata illuatungeriit tamarmik isumaqatigiinniartitsisoqarnissaa piunasarinnavaat.

Imm. 2. Isumaqatigiinniartitsisoqarnissaanik piunasaqaat Naalakkersuisunut saqqummiunneqassaaq. Piunasaqaat saqqummiunneqarsinnaavoq illuatungeriit arlaata isumaqatigiinniuteqarneq unitsippagu isumaqatigiinniuteqarnissarlunniit itigartippagu, imaluunniit isumaqatigiinniuteqarnerigaluit angusaqarfiunngitsoornissaat ilimanarsippat.

Imm. 3. Isumaqatigiissitsiniarneq isumaqatigiinniartitsisussatut Naalakkersuisunit toqqarneqartumit isumagineqassaaq. Isumaqatigiisuteqarniarluni isumaqatigiinniarnerni tunngavigineqassapput aaqqiissutissatut illuatungeriit siunnersuutigisimasinnaasaat. Isumaqatigiinniartitsisup illuatungeriinnut siunnersuutiginnaavaa assortuussutip isumaqatigiisuteqarnikkut aalajangerneqarnissaa isumaqatigiissitsiniartussanillu toqqaanermi ikiuussinnaalluni.

Imm. 4. Isumaqatigiinniartitsisoq assortuussutip aaqqiissutissaanik siunnersuuteqarsinnaavoq piunasarinnaaallugulu siunnersuutip taamattup isumaqatigiisaaqsup piffissaliussaata iluani illuat-

ngerit oqartussaaitaanut akuerisassanngortinneqassasoq itigartitassanngortinneqassasorluunniit. Isumaqatigiissitsiniarnerup inerneranik isumaqatigiissitsiniartup Naalakkersuisut nalunaarfigissavai.

Imm. 5. Piffissaq isumaqatigiissuteqarfiusoq naareersimagaluarpat imaluunniit isumaqatigiin-
niarnerit nalaanni naassagalarpat isumaqatigiissutaasimasut atortuuginnassasut
isumaqatigiissitsiniartup aalajangersinnaavaa. Inassutaasumilli isumaqatigiissutissatut
siunnersuummut imaluunniit isumaqatigiissitsiniaanissamik siunnersuummut illuatungeriit
aalajangeereerneratigut imaluunniit isumaqatigiissitsiniartup siunnersuutunik taamaattunik
saqqummiussisoqarnissaanut tunngavissaqannginneraanerata kingorna sapaatit akunnerinik
marlunnik sivisunerusumik sivitsuisoqarsinnaangilaq.

Imm. 6. Kinaluunniit isumaqatigiissitsiniartuusoq imaluunniit isumaqatigiissitsiniartuusi-
masoq taamaaliortussaaitaanani isumaqatigiissitsiniarsimasutut ilisimalikkaminik oqaatigisaqas-
sanani luunniit atuissanngilaq.

Imm. 7. Isumaqatigiissitsiniartup sulinerani aningaasartuutit matussuserneqarnissaannut
maleruagassat erseqqinnerusut kulturministerip aalajangersarsinnaavai.

Kapitali 3

Piginneqqaartuunerup allanut nuunneqarnera

Aalajangersakkat nalinginnaasut

§ 53. Piginneqqaartuusup §§ 3 aamma 38 malillugit killilersuutaasut atorlugit inatsit manna
malillugu pisinnaatitaaffini tamakkiisumik ilaannakuusumilluunniit allanut nuussinavaa.

Imm. 2. Suliap assinginik nuussineq piginneqqaartussaanerup allanut nuunneqarneranup
ilaanngilaq.

Imm. 3. Piginneqqaartuusup suliap aalajangersimasumik pissuseqartillugu atornissaa aalaja-
ngersimasunilluunniit iluaqutissaqartillugu allanut tunniuppagu tunniussineq taanna piginnilersumut
allatut iliorsinnaatitaanerussanngilaq allatulluunniit iluaqusersuutaassanani.

Imm. 4. Piginneqqaartussaanerup allanut nuunneqarnera pillugu §§ 54-59 aalajangersakkat
illuatungeriit akornanni isumaqatigiissuteqarnikkut sanioqqunneqarsinnaapput aalajangersakkani
ataasiakkaani allanik aalajangersaasoqarsimanngippat.

§ 54. Piginnittuulersup pisinnaatitaaffimminik atuinisaaq pisussaaffigaa. Piginneqqaartuusup
isumaqatigiissut qaammatinik arfinilinnik kalerriilluni atorunnaarsissinnaavaa isumaqatigiissutip
piginneqqaartuusumiit eqquutsinneqalernerata kingorna ukiut pingasut qaangiutinnginneranni
atulersimanngippagu. Tamannali atuutinngilaq kalerriuteqarnerup naanissaa sioqqullugu
atulersimappagu.

Imm. 2. Imm. 1-imi aalajangersagaq saneqqunneqarsinnaanngilaq, piffissaliussatut allanne-
qartut allanngortinnissai taamaallaat pineqanngippata.

§ 55. (Atorunnaarpoq)

Allannguinerit tunniusseqqinnerillu

§ 56. Piginneqqaartussaanerup tunniunneqarnera piginnilersup suliamik allannguinnessaanut pisinnaatitsissutaanngilaq allannguipeq pissusissamisuunngippat erseqqissumilluunniit tunngavissaqanngippat.

Imm. 2. Piginneqqaartussaanerup tunniunneqarnera piginnilersup piginneqqaartussaaneermik tunniusseqqinnissaanut piginnaatitsissutaanngilaq tunniusseqqinneq pissusissamisuunngippat erseqqissumilluunniit tunngavissaqanngippat. Piginneqqaartuusumik isumaqatigiissutip eqqortinneqarnissaanut tunniussisoq akisussaassuvoq.

Akiligassanik isumannaajaaneq nakkutilliinerlu

§ 57. Piginnilersup kaaviiartitai, tunisinikkut isertitai taamaaqataaluunniit suliamik pilersitseqqaartup akissarsiassaanut aalajangiisuuppata suliamik pilersitseqqaartup piumasarisinnaavaa akiligassat isumannaarneqartassasut minnerpaamik ukiumut ataasiarluni. Aammattaq suliamik pilersitseqqaartup piumasarisinnaavaa akiligassanik isumannaajaanermut atatillugu akissarsiassat naatsorsorneqarneranni pissutsit tunngaviusimasut pillugit paasissutissat tamakkiisut ilaatinneqassasut.

Imm. 2. Suliamik pilersitseqqaartup piumasarisinnaavaa piginnilersup naatsorsuutai, naatsorsuuserinera, nioqquutissatut uninngasuutai aammalu suliamik atuisup uppersaatai imm. 1 malillugu akiligassanik isumannaajaanermut atatillugu naatsorsuutunik kukkunersiuisumut naalagaaffimmit akuerisamit imaluunniit naatsorsuutunik kukkunersiuisumut nalunaarsorneqarsimasumut suliamik pilersitseqqaartup toqqagaanut atugassanngortinneqassasut. Akiligassanik isumannaajaanerup eqqortuuneranik nikingassutaasinnaasulluunniit pillugit suliamik pilersitseqqaartoq kukkunersiuisup nalunaarfigissavaa. Aamma kukkunersiuisoq misissuinermini pissutsit ilisimalikkani allat tamaasa pillugit nipangiussisussaataavoq.

Imm. 3. Imm. 1-imi 2-milu aalajangersakkat suliamik pilersitseqqaartumut ajoqutissanngorlugit sanioqqunneqarsinnaanngillat.

Filmilornermi isumaqatigiissutip pillugit immikkeut aalajangersakkat

§ 58. Filmilornermi peqataanissamik isumaqatigiissutip nassatarissavaa suliamik pilersitseqqaartup akerliliffigisinnaangimmagu

- 1) filmip assinginik sananissaq,
- 2) filmip assingisa inunnit tamanit pissarsiarineqarsinnaasunngornera,
- 3) filmip tamanut ammasumik takutinneqarnissaa imaluunniit
- 4) filmip oqaatsit allat atorlugit allagartalersorneqarnissaa oqaasertalersorneqarnissaaluunniit.

Imm. 2. Imm. 1-imi aalajangersagaq atorneqassanngilaq

- 1) sulianut naammassineqareersunut,
- 2) filmilornermi najoqutassatut atuakkanut, oqaloqatigiissutigisassanut nipilersugassianullu filmimik pilersitsinissaq siunertaralugu suliarineqartunut, imaluunniit
- 3) filmimi pingaarnertut ilitersuisumut.

*Assilissanik nipinillu immiussat attartortinneqarneranni akissarsiasamik
piumasaqaatit nuunneqarsinnaanngitsut pillugit aalajangersakkeat*

§ 58 a. Suliamik pilersitseqqaartup pisussaanini assilissanik nipinillu immiussanik nioqqusiortartumut immiussat taamaattut attartortittarnerisigut suliamik inunnut tamanut pineqarsinnaalersitsineq tunniussimappagu suliamik pilersitseqqaartoq nioqqusiortumit atorniartitsinermi naleqquttumik akissarsiaqartinneqarnissaminik piumasaqaateqarsinnaavoq. Akissarsiaqarsinnaati-taaneq taamaallaat atuutsinniarneqarsinnaavoq kattuffiit pisussaatitaaffimmik pigisaqartut immikkuutaartut ataasiakkaat sinniisuutitaqarfii aqcutigalugit. Oqaaseqatigiinni siullerni tulliinilu aalajangersakkeat isumaqatigiissuteqarnikkut sanioqqunneqarsinnaanngillat.

Qarasaasianut programmit atorfeqarnermi pilersitat pillugit immikket aalajangersakkeat

§ 59. Sulisitsisoqarluni sulinermi qarasaasianut programminut sanaajusunut sulisitsisoq piginneqqaartussaavoq.

Inuup assingi qalipatat imissutit

§ 60. Inuup assinganut qalipatamut imissutaasumut suliamik pilersitseqqaartup pisussaatitaaffini atuutsinniarsinnaanngilai inniminniisoq akuersiseqqaartinnagu.

Kingornussineq akiligassaqaartunillu malersuineq

§ 61. Suliamik pilersitseqqaartup toqunerani kingornussisarnermik Kalaallit Nunaanni inatsimmi maleruagassat nalinginnaasut piginneqqaartussaannermut tunngatillugu atortinneqassapput.

Imm. 2. Suliamik pilersitseqqaartuusooq katissimallugu testamentikkut aapparminut kingornussisussavimminullu aamma pinngitsooratik sunniuteqartussanik peqqussuteqarsinnaavoq piginneqqaartussaannerup atortinneqarnissaanik inulluunniit alla tamakkuninnga peqqussusiortissinnaallugu.

§ 62. Suliamik pilersitseqqaartuusup suliaminik atuisinnaatitaanera atuisinnaatitaanerup nuunneqarnerani akiligassaqaarnikkut malersuissutaasinnaanngilaq, suliamik pilersitseqqaartumut, katissimasaanut imaluunniit pilersitseqqaartoq sinnerlugu kingornussisussamut.

Imm. 2. Aammattaaq suliata assingi akiligassaqaarnikkut malersuissutaasinnaanngillat suliamik pilersitseqqaartumut, katissimasaanut imaluunniit pilersitseqqaartoq sinnerlugu kingornussisussamut, atuisinnaanerup nuunneqarsimanerani malersuineq makkununnga sammitinneqarpat

- 1) allatanut najoqqutassanut (manuskripter),
- 2) naqitsivinnut, pladenut, kuitsivinnut taamaaqataannulluunniit eqqumiitsuliat sananeqarfigisinnaasaannut, imaluunniit
- 3) eqqumiitsuliat assinginut saqqummersinneqanngitsunut, tuniniagassanngortinneqartunut allatulluunniit iliorluni tamanut saqqummiunneqartussatut akuerineqartunut.

Kapitali 4

Piginneqqaartussaaneq atuuksinnaanerata siviissusia

§ 63. Suliamut piginneqqaartussaaneq atuutissaaq ukiup piginneqqaartuusup toquffiata kingornatigut ukiut 70 qaangiunnissaannut imaluunniit suliat § 6-imi eqqartorneqartut tungaasigut ukiup inuuneqqortunerusup toquffiata kingornanut. Filmilianulli piginneqqaartussaaneq atuutissaaq kinguliini taagorneqartut qimataasa ukiup inuuneqqortunerusup toquffiata kingornatigut ukiut 70 qaangiunnissaannut:

- 1) Pingaarnertut ilitsersuisoq,
- 2) najoqqutassatut atuakkiortoq,
- 3) oqaloqatigiissutigisassaasumik atuakkiortoq aamma
- 4) filmilianut immikkut atugassatut nipilersugassiortoq.

Imm. 2. Nipilersukkamut taallartaqartumut piginneqqaartussaaneq, taallartaa nipilersuutaallu nipilersuummut taallatalimmut pineqartumut immikkut sanaajusumut inuuneqqortunerusup toquffiata kingornagut ukiut 70 qaangiunnissaannut atuutissaaq:

- 1) Taalliartoq aamma
- 2) erinniartoq

Imm. 3. Piginneqqaartussaasup aqqa, aterisuusaagaa tamanit ilisimasaasoq meqqialuunniit taanagit suliaq ataaseq tamanut ilisimasassanngortitaappat piginneqqaartussaaneq atuutissaaq ukiup suliap tamanit pissarsiarineqarsinnaalernerata naaneraniit ukiut 70 qaangiunnissaannut. Suliaq taanna arlalinnik immikkoortoqarpas, atuagartaqarpas, kakkersagaappas, normoqarpas nangeqattaartuliaappalluunniit immikkoortunut ataasiakkaanut tamanut piffissaq illersuiffik immikkoortoq atuuppoq.

Imm. 4. Piffissap taaneqartup ingerlanerani piginneqqaartuusup § 7 naapertorlugu taaneqarpas imaluunniit suliap tamanit pissarsiarineqarsinnaalernerata sioqqullugu toqunera nalunaarutigineqarpas piginneqqaartussaaneq atuunnerata siviissusissaa imm. 1 naapertorlugu naatsorsorneqassaaq.

Imm. 5. Sulianut tamanit pissarsiarineqarsinnaalersimannngitsunut piginneqqaartussaasorlu ilisimaneqannngippat piginneqqaartussaaneq atuutissaaq ukiup suliap piliarineqarnerata naaneraniit ukiut 70 qaangiunnissaannut.

§ 64. Suliaq siusinnerusukkut saqqummersinneqareersimannngippat kinaluunniit inatsimmik unioqqutitsinani siullermeerluni tamanut saqqummiisoq imaluunniit piginneqqaartussaaneq piffissap illersuiffiusup naareerneraniit suliamik saqqummiisoq suliap aningaasanut tunngatillugu pisassaqarfittaanut atuakkiamik eqqumiitsuliatulluunniit suliamik pilersitsisup inatsit malillugu pisassaqarfiinut naleqquttumik pisassaqarfegalissaaq. Suliamut illersuineq atuutissaaq ukiup tamanit pissarsiarineqarsinnaalertitsiffiusumiit, ukiumilluunniit saqqummersitsiffiusumiit, ukiut 25-it qaangiunnissaannut.

Kapitali 5
Piginnatitaaffiit allat

Eqqumiitsuliornermik suliaqartartut

§ 65. Eqqumiitsuliornermik suliaqartartup atuakkiatut eqqumiitsuliatulluunniit suliainik saqqummiinera eqqumiitsuliorartup taassuma akuerisarinngisaanik

- 1) nipinut immiussivimmu, filmimut atortumulluunniit allamut taassuminnga immiussamik atuisinnaasumut immiunneqassanngilaq, imaluunniit
- 2) tamanit pissarsiarineqarsinnaalissanani.

Imm. 2. Saqqummiineq imm. 1, nr. 1-imi taaneqartutut tiguneqaruni atortumut allamut taassuminnga atuisinnaasumut eqqumiitsuliornermik suliaqartartup akuerisarinngisaanik nuunneqassanngilaq imaluunniit tamanit pissarsiarineqarsinnaalissanngilaq ukiup saqqummiunneqarfiata naaneraniit ukiut 50 qaangiutsinnagit.

Imm. 3. Piffissalli taassuma iluani saqqummiinerup immiunnera, tak. imm. 1, nr. 1, saqqummiunneqarpat imaluunniit imm. 2-imi taaneqartup piffissap iluani tamanit pissarsiarineqarsinnaalerpat illersuineq atuutissaaq ukiup siullermik saqqummiussiffiup imaluunniit tamanit pissarsiarineqarsinnaalerfiata naaneraniit ukiut 50 qaangiunnissaannut, matumani aalajangiisuulluni suna siulliunersoq.

Imm. 4. Nipinik immiussaq, tak. imm. 1, nr. 1, imm. 2-imi piffissap taaneqartup iluani saqqummersinneqarpat imaluunniit tamanit pissarsiarineqarsinnaalerpat, taamaattoq illersorneqarnera ukiup siullermik saqqummersinnerani imaluunniit tamanut saqqummiunnerani naaneraniit ukiut 70-it tikillugit sivilissuseqassaaq, matumani aalajangiisuulluni suna siulliunersoq.

Imm. 5. Eqqumiitsuliornermik suliaqartartup aamma filmiliorartup akornanni filmiliornermi peqataanissamik isumaqatigiissutip, illuatungiliullugu isumaqatigiissuteqartoqarsimanngippat, nassatarissavaa eqqumiitsuliornermik suliaqartartup filmimik attartortitsinikkut pisasaqarfini filmiliorartumut nuussimagaa ilimagineqassaaq.

Imm. 6. § 2, imm. 2-4, §§ 3, 11 aamma 11 a, § 12, imm. 1, imm. 2, nr. 5, imm. 3, nr. 1, aamma imm. 4, §§ 13 aamma 15, § 16, 16 a aamma § 17-17 e, § 18, imm. 1 aamma 2, § 19, imm. 1 aamma 2, §§ 21, 22, 25, 27, 28, 30 a, 31, 33-35, 49-57, 58 a, 61 aamma 62-imi aalajangersakkat eqqumiitsuliornermik suliaqartartut saqqummigaannut taakkualu immiunnerannut taamatulli atuutsinneqassaput.

Nipinik immiussanik saqqummiussisut

§ 66. Nipinik immiussat saqqummiisup akuerisarinngisaanik issuarneqassanngillat imaluunniit inunnit tamanit pissarsiarineqarsinnaalersinneqassanatik ukiup immiussiviusup naaneraniit ukiut 50-it qaangiutsinnagit. Piffissalli taassuma iluani nipinik immiussat saqqummersinneqarpat imaluunniit tamanit pissarsiarineqarsinnaalerpata illersuineq atuutissaaq ukiup siullermik saqqummiussiffiup imaluunniit tamanit pissarsiarineqarsinnaalernerata naaneraniit ukiut 70 qaangiunnissaannut, matumani aalajangiisuulluni suna siulliunersoq. Nipinik immiussat saqqummersinneqarnerani allatut iliornikkut piffissap oqaaseqatigiinni siullerni taaneqartup iluani tamanit pissarsiarineqarsinnaalerpat illersuineq ukiup saqqummiiffiusup naaneraniit ukiut 70-it tikillugit sivilissuseqassaaq.

Imm. 2. § 2, imm. 2-4-mi, § 11, imm. 2-i aamma 3-mi, § 11 a-mi, § 12, imm. 1-imi, imm. 2, nr. 5-imi, imm. 3-mi, imm. 4, nr. 1-imi, aamma imm. 5-imi oqaaseqatigiinni siullerni, §§ 13, 15, 16, 16 a aamma 17-17 e, § 18, imm. 1-imi aamma 2-mi, § 19, imm. 1-imi aamma 2-mi, kiisalu §§ 21-imi, 22-imi, 25-imi, 27-imi, 28-imi, 30 a-mi, 31-mi, 33-mi, 34-mi, § 35, imm. 4-imi aamma 5-imi aamma 49-52-imi aalajangersakkat nipinik immiussanut taamatulli atuutsinneqassapput.

Imm. 3. Imm. 1-imi aalajangersagaq apeqqutaatinnagu nipinik immiussat radiokkut isiginnaarutikkulluunniit silaannakkut aallakaatinneqartut, kabileqarfikkut aallakaateqqinneqarsinnaapput radiokkullu atortut iluaqutigalugit allannngortinnagit ataatsikkoortumillu aallakaatinneqarsinnaallutik.

Eqqumiitsuliortup pisinnaatitaaffinik nuussineq pillugu isumaqatigiissutip atorunnaarnera

§ 66 a. Eqqumiitsuliortutut ingerlataqartup nipinik immiussanut pisinnaatitaaffini nipinik immiussisartumut tunniussimasani imaluunniit nuussimasani pillugit isumaqatigiissut atorunnaarsinnaavaa, nipinik immiussap saqqummiunneqarneraniit ukiut 50-it ingerlareersimappata, imaluunniit, nipinik immiussinerup tamanut saqqummiunneqarneraniit ukiut 50-it ingerlareer-neranni taamatut saqqummiussineq pisimanngippat, saqqummiussisoq

1) nipinik immiussap assinganik neqerooruteqartut naammattumik annertussuseqartumik tuniniaappat aamma

2) nipinik immiussaq imatut atugassanngortippagu sumiiffimmi piffissamilu immikkut toqqar- neqartumi killeqartumik pissarsiarineqarsinnaalluni, tak. § 2, imm. 4, nr. 1.

Imm. 2. Eqqumiitsuliortutut ingerlataqartup isumaqatigiissut atorunnaarsippagu, tak. imm. 1, tamanna ukiumik ataatsimik kalerriisoqarneratigut pissaaq. Tamatuma kingorna isumaqatigiissut atorunnaarsinneqarsinnaavoq nipinik immiussisoq imm. 1, nr. 1 aamma 2-mi takuneqarsinnaasunik iluaquteqarnissamut iliuusissat marluusut piffissap kalerriiffiusup naanissaa sioqqullugu isumagin- gippagit. Eqqumiitsuliortutut ingerlataqartup isumaqatigiissutip atorunnaarsinnissaanut pisinnaa- titaaffini taamaatissinnaanngilaa.

Imm. 3. Imm. 1 malillugu isumaqatigiissut atorunnaarsinneqarpat isumaqatigiissummut tunngasumut nipinik immiussamut saqqummersitsisup nammineq pisinnaatitaaffii atorunnaassappat, tak. § 66.

Tapertaasumik akissarsinissamut ukiumoortumik pisinnaatitaaffik

§ 66 b. Eqqumiitsuliortutut ingerlatsisup nipinik immiussanik immiussisumik nipinik immiussap saqqummersinnissaanut pisinnaatitaaffini tunniussimappagit ataasiaannarlunilu akissar- sisoqarnissaanik isumaqatigiissuteqarluni nipinik immiussap saqqummersinneraniit ukiut 50-it ingerlareer-neranni, imaluunniit, nipinik immiussap tamanut saqqummiunneraniit ukiut 50-it inger- lareersut taamatut saqqummersitsisoqarsimanngippat ukiunut ilivitsunut tamanut ataasiakkaanut nipinik immiussisumut ukiumut tapertaasumik akissarsinissamut pineqartoq pisinnaatitaaffeqarpoq. Eqqumiitsuliortutut ingerlataqartup ukiumoortumik tapertaasumik akissarsianut pisinnaatitaaffini annaasinnaanngilaa.

Imm. 2. Imm. 1-imi taaneqartut akissarsiat akilernissaannut aningaasat nipinik immiussisumik immikkoortitsissaaq. Aningaasat tamarmiusut immikkoortinneqartussat ukiup akissarsiat akiler-

neqarnissaanni saqqummersitsisup isertitaasa 20 pct.-iinik annertussuseqassapput. Akissarsiat nipinik immiussap suliareqqinneraniit, nassiussuuneraniit tamanillu passariarinqarsinnaalerneraniit saqqummersitsisup isertitaanit naatsorsorneqassapput, nipinik immiussap saqqummiunneraniit ukiut 50-it ingerlareersimappata, imaluunniit, nipinik immiussap tamanit passariarinqarsinnaalerneraniit ukiut 50-it ingerlareersut taamatut saqqummersitsisoqarsimanngippat.

Imm. 3. Akissarsiat Naalackersuisunit akuerineqartumit ingerlatsivimmit akilerneqarlutillu aqunneqassapput.

Imm. 4. Eqqumiitsuliortumik ingerlatsisumiit noqqaasoqarneratigut imaluunniit imm. 3-mi ingerlatsisutut akuerineqarsimasumiit ukiumoortumik tapertaasumik akissarsiat akilerneqarnissaasa qulakkeerneqarnissaanut pisariaqarsinnaasunik paasissutissanik sunilluunniit nipinik immiussisoq tunniussissaaq.

Imm. 5. Taamatut ingerlatsiviup akuerineqarneranut atatillugu suliamik suliarinnineq pillugu malittarisassanik erseqqinnerusunik Kulturministeri aalajangersaasinnaavoq.

§ 66 c. Eqqumiitsuliortutut ingerlataqartup nipinik immiussanik immiussisumik nipinik immiussap saqqummersinnissaanut pisinnaatitaaffinni tunniussimappagit ingerlaavartumillu akissarsiaqarsinnaanermik isumaqatigiissuteqarsimappat siumoortumik akiliisimanerit isumaqatigiissutikkulluunniit ilanngaait eqqumiitsuliortutut ingerlataqartumut ingerlaavartumik akissarsianit ilanngaatigineqassanngillat, nipinik immiussap tamanit passariarinqarsinnaalerneraniit ukiut 50-it ingerlareersimappata, imaluunniit, nipinik immiussinerup tamanit passariarinqarsinnaalerneraniit ukiut 50-it ingerlareerneranni taamatut saqqummiussineq pisimanngippat.

Assiliisartut

§ 67. Assilissanik immiussat saqqummiisup akuerisarinngisaanik atorneqassanngillat imaluunniit inunnit tamanit pissarsiarineqarsinnaasunngortinneqassanngillat ukiup immiussiviup naaneraniit ukiut 50 qaangiutsinnagit. Piffissalli taassuma iluani assilissanik immiussat saqqummersinneqarpata imaluunniit tamanut saqqummiunneqarpata illersuineq atuutissaaq ukiup siullermik saqqummiussiffiup imaluunniit tamanit pissarsiarineqarsinnaasunngortinnerisa naaneraniit ukiut 50-it qaangiunnissaannut, matumani aalajangiisuulluni suna siulliunersoq.

Imm. 2. § 2, imm. 2-4-mi, § 11, imm. 2-mi aamma 3-mi, § 11 a-mi, § 12, imm. 1-imi, imm. 2, nr. 5-imi, imm. 3, nr. 2-mi aamma imm. 4-mi, §§ 13-imi, 15-imi, 16-imi aamma 16 a-mi, § 17, imm. 1-imi aamma 3-imi, § 18, imm. 1-imi aamma 2-mi, § 19, imm. 1-imi aamma 2-mi, aamma §§ 22-mi, 25-mi, 27-mi, 28-mi, 30 a-mi, 31-34-mi, 35, imm. 4-imi aamma 5-imi aamma 49-52-imi aalajangersakkat assilissanik immiussanut taamatulli atuutsinneqassapput.

Imm. 3. Imm. 1-imi aalajangersagaq apeqqutaatinnagu assilissanik immiussat isiginnaarutikkut atassuteqanngitsumik aallakaatinneqartut, radiokkut atortut iluaqutigalugit inuinnarnut kabel-itigut atortut atorlugit aallakaateqqinneqarsinnaapput ingerlateqqinneqarlutillu, tamanna allannguuteqanngitsumik pippat peqatigisaanillu aallakaatitsineq ingerlanneqarpata.

Nipinik immiussat radiomi isiginnaarutikkullu il.il. atorneqarnerannut akissarsiat

§ 68. § 65, imm. 2-4-mi aamma § 66, imm. 1-imi aalajangersakkat apeqqutaatinnagit nipinik immiussat saqqummiunneqarsimasut radiokkut isiginnaarutikkulluunniit aallakaatitsinermi alla-

tullu tamanut ammasumik saqqummiussinermi atorineqarsinnaapput. Oqaaseqatigiinni siullerni aalajangersagaq atortuutinneqassanngilaq nipinik immiussanik saqqummiunneqareersunik sumiif-finni piffissamilu immikkut toqqartukkani tamanit pissarsiarineqarsinnaasunngorlugit atugassinertut saqqummiussinernut, tak. § 2, imm. 4, nr. 1, titarnerit aappaat.

Imm. 2. Nipinik suliaqartartut pilersitsiartullu akissarsiassaminnik piunasaqarsinnaapput. Akissarsiassanik piunasaqarneq taamaallaat atuutsinniarneqarsinnaavoq ataatsimoorullugu kattuffik nipinik suliaqartartut pilersitsisartullu peqataaffigisaat Naalackersuisunillu akuerineqarsimasoq aqqu-tigalugu. Akissarsiat annertussusaat pillugit isumaqatigiittoqarsinnaanngippat illuatungeriit arlaata apeqquq eqqartuussivinnut suliaassanngortissinnaavaa.

Imm. 3. Imm. 1-imi 2-milu aalajangersakkat isiginnaarutikkut aallakaatitanut filmilianullu tamanut ammasumik saqqummiunneqartunut, nipit assilissallu aallakaatinneqarpata ataatsikkulluun-niit saqqummiunneqarpata, atuutinngillat.

Imm. 4. Aalajangersagaq taanna naapertorlugi nipinik immiussamik atuisoq illuatungeriit isumaqatigiissutaasigut imaluunniit eqqartuussiviit aalajangiinerisigut aalajangersarneqartumik akis-sarsianik akiliinngippat eqqartuussisoqarneratigut aalajangersarneqarsinnaavoq pineqartup atuinera taamaallaat pisinnaasoq piginnaatitaasup akuersineratigut, akiliisoqarnissaata tungaanut.

Imm. 5. Kulturministeri ersarinnerusunik aalajangersagaliorsinnaavoq sulianik ingerlatsisarnermut kattuffimmiik imm. 2-mi eqqaaneqartumik akuersisarnermut tunngatillugu.

Radiomik isiginnaarummillu suliaqarfiit

§ 69. Radiukkut isiginnaarutikkulluunniit aallakaatitaq radiomik isiginnaarummilluunniit suliaqarfiup akuerisarinngisaanik allanit aallakaatinneqassanngilaq allatulluunniit tamanut amma-sumik saqqummiunneqassanani. Taamatuttaaq aallakaatitaq akuerisaanngitsumik assiliissummik assilinqassanngilaq imaluunniit nipinik immiussissummumut filminullu atortunut allanut nuutinne-qarfigisinnaasaanut immiunneqassanngilaq.

Imm. 2. Aallakaatitaq assiliissummik assilinqarsimappat imaluunniit imm. 1-imi taane-qartutut immiunneqarsimappat suliaqarfiup akuerisarinngisaanik atortumut allanut taassuminnga issuaasinnaasumut nuunneqassanngilaq tamanulluunniit siammarterneqassanngilaq ukiup aallakaatit-siviusup naaneranit ukiut 50-it qaangiutsinnagit.

Imm. 3. § 2, imm. 2-4-mi, §11, imm. 2-mi aamma 3-mi, § 11 a-mi, § 12, imm. 1-imi, imm. 2, nr. 5-imi, imm. 3, nr. 2-mi aamma imm. 4-mi, § 15-16 a-mi, § 17, imm. 1-imi aamma 2-mi, §§ 17 a-17 e-mi, § 19, imm. 1-imi aamma 2-mi, §§ 21-mi, 22-mi aamma 25-mi, § 27, imm. 1-imi aamma 3-mi, §§ 28-mi, 31-mi, 32-mi, 33-mi aamma § 36, imm. 3-mi aalajangersakkat radiomik isiginnaarummillu aallakaatitanut taamatulli atuutsinneqassapput.

Assiliivik atorlugu assiliisartut

§ 70. Assiliivik atorlugu assinik sanasoq (assiliisoq) suliami assinganik pilersitsisinnaavoq inunnullu tamanut takusassanngortitsinissamut kisermaassisinnaatitaalluni.

Imm. 2. Assiliivik atorlugu assinik piginnittut isigineqarneq ukiup assilisap sananeqarfiata naaneranit ukiunik 50-inik sivilissuseqarpoq.

Imm. 3. § 2, imm. 2-4-mi, §§ 3-mi, 7-imi, 9-mi, 11-mi aamma 11 a-mi, § 12, imm. 1-imi aamma imm. 2, nr. 5-imi, §§ 13-16-imi, § 17, imm. 1-imi, aamma 3-mi, §§ 17 a-17 e-mi, § 18, imm. 1-imi aamma 2-mi, § 19, imm. 1-imi aamma 2-mi, §§ 20-mi, 21-mi aamma 23-mi, § 24, imm. 1-imi aamma 2-mi, aamma §§ 24 a-mi, 25-mi, 27-mi, 28-mi, 30-31-mi, 33-35-mi, 47-mi, 49-58-imi aamma 60-62-imi aalajangersakkat assiliivik atorlugu assilisanut taamatulli atuutsinneqassapput. Assiliivik atorlugu assilisaq § 1 malillugu piginneqqaartussaaffiussappat taanna aamma atuutsinniarnearsinnaavoq.

Kataloginik il.il. pilersitsisartut

§ 71. Kinaluunniit kataloginik, tabelinik, databasenik taamaaqataannilluunniit paasissutissanik annertuunik arlalinnik katersuiffiusumik pillersitsisoq imaluunniit annertuumik aningaasaliinikkut angusaqartoq sulianut tamakkiisumik taakkuluunniit immikkoortuinik pingaarnepaanik atuisinnaatitaasoq kisimiilluni pisussaataitaavoq suliat assinginik pilersitsinissamut inunnillu tamanit pineqarsinnaatitsilernissamut.

Imm. 2. Imm. 1-imi aalajangersagaq katalogit, tabelit, databaset taamaaqataasaluunniit immikkoortuisa pingaanninnerit arlaleriarluni aalajangersimasumillu pissuseqarluni suliat assinginik pilersitsinermut imaluunniit inunnit tamanit pissarsiarineqarsinnaasunngortitsinermut atuutsinneqassaaq iliuitsit taaneqartut suliat pineqartut nalinginnaasumik atugaanerannut assortuuttut iliuitsinut naleqqiunneqarsinnaappata imaluunniit pilersitsisartup soqutigisaanut naleqqutinngitsumik ajoqusippata.

Imm. 3. Suliat imm. 1-imi taaneqartutut pissusillit tamakkualuunniit immikkoortui piginneqqaartussaaffinngortitaappata allamilluunniit illersorneqartussaaffinngortitaappata piginneqqaartussaaneq aamma noqqaassutigineqarsinnaavoq.

Imm. 4. Imm. 1 malillugu illersuineq atuutissaaq ukiup suliap pilarineqarfiata naaneraniit ukiut 15 qaangiunnissaannut. Suliarli imm. 1-imi taaneqartutut pissusilik piffissap taassuma iluani inunnit tamanit pissarsiarineqarsinnaasunngortitaappat illersuineq atuutissaaq ukiup siullermik inunnit tamanit pissarsiarineqarsinnaasunngortinneqarfiata naaneraniit ukiut 15-it qaangiunnissaannut.

Imm. 5. § 2, imm. 2-4-mi, §§ 6-9-mi, § 11, imm. 2-mi, § 12, imm. 1-imi aamma imm. 2, nr. 4-mi, §§ 13-17 e-mi, § 18, imm. 1-imi aamma 2-mi, § 19, imm. 1-imi aamma 2-mi, §§ 20-22-mi, 25-mi, 27-mi, 28-mi, 30-35-mi, § 36, imm. 2-mi aamma 3-mi, § 47-mi aamma §§ 49-52-mi aalajangersakkat kataloginut, tabelinut, qarasaasiani atortunut il.il. imm. 1-imi taaneqartunut taamatulli atuutsinneqassapput.

Imm. 6. Isumaqatigiissuteqarnermi patsisaasut suliamik tamanut saqqummiunneqarsimasumik imm. 1 malillugu pilersitsisartup pisinnaatitaaffinik annertusiisut atuutinngillat.

Tusagassiorfinnut nalunaarutit

§ 72. Tusagassiorfinnut nalunaarutit isumaqatigiissut naapertorlugu nunat allat nutaarsiassa-qarfiinit nunaniluunniit allani ilanngutassiortunit tunniunneqartut tiguisup akuerinngisaanik aviisitigut, radiokkut allatigulluunniit assigisaasigut inunnut tamanut tusagassanngortinneqas-

sannngillat Kalaallit Nunaanni tamanut tusagassiarineriniit nalunaaquttap akunneri 12-inngortinnagit, taamaattorli tak. §§ 17 a- 17 d.

Kapitali 6

Aalajangersakkeat assigiinnigitsut

Taaguutinik illersuineq il.il.

§ 73. Atuakkiatut eqqumiitsuliatulluunniit suliaq inunnit tamanit pissarsiarineqarsinnaasunngortinneqassanngilaq taaguummik, aterisuusaakkamik meqqimilluunniit suliamut siornatigut saqqummeriikkamut taassumaluunniit piginneqqaartuanut paarlaassutaasinnaasumik ilisarnaaserlugu.

Imm. 2. Suliap siornatigut saqqummersinneqarsimasup tamanut saqqummiunneqarnera suliap aappaata saqqummernerata qaammatinit pingasunit sivikinnerusumik sioqqullugu pisimappat imm. 1-imi aalajangersagaq atuutsinneqassanngilaq paarlaassinissaq ilimanaateqanngippat.

Eqqumiitsuliat atsiorneqarnerat

§ 74. Eqqumiitsuliortup aqqa meqqialuunniit allamit eqqumiitsuliortumit eqqumiitsuliamut allamut atorneqassanngilaq taassuma nammineq tamanna akuersissutigisimanngippagu.

Imm. 2. Eqqumiitsuliortup aqqa meqqialuunniit suliap assinganut issuakkamut pioqqaartumut paarlaanneqarsinnaasunngorlugu sukkulluunniit atorneqassanngilaq.

Piginneqqaartussaanerup atorunnaaneratigut namminissarsiunngitsumik pisinnaatitaaffiit

§ 75. Piginneqqaartussaaneq qaangiussimagaluarpalluunniit atuakkiatut eqqumiitsuliartulluunniit § 3, imm. 1 aamma 2-mut akerliusumik allanngortinneqassanngilaq inunnilluunniit tamanit pissarsiarineqarsinnaasunngortinneqassanani kulturikkut soqutigisat tamatumuunakkut eqqunngitsuliorfigineqaqunagit.

Tamanut nipilersukkanik tusarnaartitsineq

§ 75 a. Inuussutissarsiutitut sullivik, tassani piginneqqaartussaataitanermik piginnittuusoq imaluunniit tamatuminnga isumaqatigiissutikkut piginnittuusoq sinnerlugu nipilersukkamik, inatsit manna malillugu illersorneqartumik, tamanut tusarnaartitsinissaq pillugu isumaqatigiissuteqartoqassatillugu tamanna Naalakkersuisunit akuersissutigineqartassaaq, akuersissummut erseqqinnerusunik tunngaviliisinnaasunit. Isumaqatigiissutit imm. 1-imut 2-mullu naapertuutinngitsut atuuffeqanngillat.

Imm. 2. Kattuffik il. il., imm. 1 naapertorlugu akuerisaq, nipilersukkamik tamanut tusartitsinissamut akuersinissami naleqqutinngitsunik patsisissaqartitsippat eqqartuussiviit qinnuigineqarnikkut tusarnaartitsinissaq pillugu tunngavigisassanik aalajangersaasinnaapput.

Imm. 3. Kulturministeri ersarinnerusunik malittarisassanik aalajangersaasinnaavoq akuersissuteqartarnermut atatillugu sulianik ingerlatsisarneq imm. 1-mi eqqaaneqartoq pillugu.

Kapitali 6 a
Teknikikkut atortulersuutit il.il.

§ 75 b. Teknikikkut aaqqissukkanik, qarasaasiatigut programminut illersuutaasunik, unioq-
qutitsisumik pīaanissamut imaluunniit allannortiterinissamut pisariillisaatissatut siunertalinnik
atortunik tunisaqarnissaq imaluunniit iluanaarniutiginnissaat siunertaralugu pigisaqarnissaq inerteq-
qutaavoq.

§ 75 c. Piginnaatitaasumiit akuerineqaqqaartinnani teknikikkut iluaqusersuutit atortuler-
suutinik sunniutilimmik atorreqartunik allannortiterinissaq inerteqqutaavoq.

Imm. 2. Inerteqqutaavoq pilersitsinissaq, eqquusuinissaq, siaruarternissaq, tuniniaanissaq,
attartortitsinissaq, tuniniakkatut imaluunniit attartugassatut ussasaarinissaq imaluunniit iluanaa-
rutiginarlugit pigisaqarnissaq aaqqissukkanik, tunisassianik imaluunniit komponent-inik

- 1) tunisaqapallannissamut, ussasaarinissamut imaluunniit tuniniaanissamut atorniarneqartunik
teknikikkut iluaqusersuutinik allannguuteqartitsinissaq siunertaralugu,
- 2) iluanaaruteqarnissamiit allaanerusumik imaluunniit annikitsuinnarmik siunertaqartunik ima-
luunniit teknikikkut atortulersuutinik iluaqusersuutit sunniutilimmik atorreqartunik allan-
ngortiterinissamiit allatut iluanaarniutitut atuugassanik imaluunniit
- 3) teknikikkut atortulersuutinik iluaqusersuutit sunniutilimmik atorreqartunik allannorti-
terisinnaanissaq imaluunniit angallassinissaq siunertarinerullugu piorsarneqartunik, piliarine-
qartunik, naleqqussarneqartunik imaluunniit tunniunneqartunik.

Imm. 3. Imm. 2-mi aalajangersagaq taamatulli atortuutinneqassaaq sullissinernut.

Imm. 4. Imm. 1-imi aamma 2-mi teknikikkut atortulersuutinik iluaqusersuutit sunniuti-
limmik atorreqartunik pineqarput teknikikkut iluaqusersuutit suulluunniit, pissusissamisoorumik
atorneqarnerini sulianik allanillu saqqummiussassanik il.il. inatsit manna naapertorlugu illersorne-
qartussanik illersuinissamik siunertaqartut.

Imm. 5. Imm. 1-4-mi aalajangersakkat atortinneqassanngillat qarasaasiat programmiinik iller-
suinermut.

Imm. 6. Imm. 1-4-mi aalajangersakkat susasaqanngitsunut paasiuminaallisaasarnerup iluani
paasisassarsiorinissamut akornutaassanngillat.

§ 75 d. Eqqartuussiviit qinnuigineqarnikkut piginnaatitaasumut, teknikikkut atortulersuutinik
iluqausersuutit sunniutilimmik atorreqartunik § 75 c, imm. 1-imi taaneqartunik atuisimasumut
peqqussuteqarsinnaapput atortunik taama ittunik atuisumut atugasseeqqullugu, taassuma § 15-
imi, § 16-imi, § 17, imm. 1-mi, § 17 c-mi, § 18, imm. 1-imi aamma 2-mi, § 21, imm. 1, nr. 2-mi, §
23, imm. 1-imi aamma §§ 26-28-mi, 31-mi, 33-mi aamma 68-imi aalajangersakkanik iluaqu-
tigalugu atuisinnaanissaanut pisariaqartunik. Piginnaatitaasup eqqartuussiviup aalajangiineraniit
sapaatit akunneri sisamat qaangiutsinnagit peqqussutaasoq malinngippagu, atuisoq § 75 c, imm.
1-imi aalajangersagaq apeqqutaatinnagu teknikikkut atortulersuutinik allannguuteqartitsin-
naavoq. Oqaaseqatigiinni siullerni aappaannilu aalajangersakkat taamaallaat atortinneqassapput
atuisunut, suliamut imaluunniit saqqummiussamut il.il. akuerisamik isersinnaatitaasunut.

Imm. 2. Imm. 1-imi aalajangersagaq taamaallaat atortinneqassaaq piginnaatitaasoq nammi-
neerluni iliuuseqarnermigut, tamatumani aamma allanut akuliuttunut isumaqatigiissuteqarnikkut,
qularnaarsimannippagu atuisup teknikikkut iluaqusersuutit atortunik atuigaluarluniluunniit
imm. 1-imi taaneqartutut aalajangersakkanik iluaqutiginnissinnaanera.

Imm. 3. Imm. 1-imi aalajangersagaq atortuutinneqassanngilaq sulianut allanullu
saqqummiussinissanut il.il. isumaqatigiissutitigut patsissaatitat tunngavigalugit tamanut
atugassiissutaasunut, taamaalilluuni taakkua sumiiffinni piffissamilu aalajangersimasumi
tamakkuninnga tikitsisinnaanngorlugit, tak. § 2, imm. 4, nr. 1, titarnerit aappaat. Tamannali § 17 c
naapertorlugu issuaanernut atuutinngilaq.

§ 75 e. Piginnaatitaasumiit akuerineqaaqqaartinnani ajornartitaassaaq

- 1) piginnaatitaanermik ingerlatsineq pillugu qarasaasiatigut paasissutissanik pīaanissaq imaluunniit allannguuteqartitsinissaq imaluunniit
- 2) suliap assinginik siaruarterinissaq, suliat allallu saqqummiussassat il.il. assinginik tamanut siaruarterinissaq imaluunniit nuussuinissaq siunertarlugu eqqussuinissaq, piginnaatitaanermik ingerlatsineq pillugu qarasaasiatigut paasissutissat peerneqarsimatillugit imaluunniit akuersitseqqaarani allanngortinneqarsimatillugit.

Imm. 2. Imm. 1-imi aalajangersagaq taamaallaat atortuutinneqassaaq, iliuutsit pineqartut inummit, iliuuserisami suliamut allamulluunniit saqqummiunneqartumut il.il. inatsit manna naapertorlugu illersugaasussamut piginnaatitaanermik innarliisussaananeramik, innarliisinnaananeramik tamatuminngaluunniit isertuilerneramik ilisimaneqartunut imaluunniit ilisimaneqartariaqaraluartunut.

Kapitali 7

Inatsisit atortitaanerat

Pineqaatissiinerit

§ 76. Akiliisitaanermik pineqaatissinneqassaaq kinaluunniit piaarinaatsoornikkut mianersuaalliorujussuarnikkulluunniit

- 1) § 2-mik imaluunniit § 3-mik unioqquitsisoq,
- 2) §§ 65-66-imik, 67-imik, 69-imik, 70-imik imaluunniit 71-imik unioqquitsisoq,
- 3) § 11, imm. 2-mik, § 60-imik imaluunniit §§ 72-75-inik unioqquitsisoq,
- 4) § 38, imm. 6 malillugu naatsorsukkanik nassiussinngitsoq,
- 5) § 61, imm. 2 malillugu peqqussutaasunik unioqquitsisoq.

Imm. 2. Aalajangersakkanik imm. 1, nr. 1 aamma 2-mi taaneqartunik piaaraluni unioqquitsisoq aamma sulianik saqqummikkanilluunniit aalajangersakkani pineqartunik atuisoq imaluunniit suliat assinginik tamanut siaruarterisoq sakkortunerusumik pineqaatissinneqarsinnaavoq Kalaallit Nunaanni pinerluttulerinermik inatsit malillugu. Pissutsit peqqarniinnerulersitsisut pingaartumik pisinnaapput unioqquitsineq inuussutissarsiornikkut pippat, pilersitsinikkut sulianik assinginilluunniit siaruarterinikkut inunnit tamanit pissarsiarineqarsinnaasunnorsitsinikkut pippat peqqarniinnerusumillu pisoqartillugu ukiumi ataatsimi isertitsivimmiisitaanermik paarnaarussivimmiititaanermilluunniit pineqaatissiineq annertusineqarsinnaavoq. Suliap assingi amerlasoorsuannorlugit unioqquitsinikkut pilarineqarsimappata imaluunniit unioqquitsinikkut annertuumik iluanaaruteqarnissaq siunertarineqarsimappat taakkua peqqarniinnerusumik pisoqarneratut naatsorsuunneqassapput.

§ 77. Suliat saqqummikkalluunniit §§ 65-71 malillugit illersorneqartut Kalaallit Nunaata avataani saqqummiunneqarpata taamatullu Kalaallit Nunaanni saqqummernissaat inatsimmut akerliussappat tamakku suliat assinginik tamanut siaruaanissaminik siunertaqarluni piaaraluni mianersuaalliorujussuarnikkulluunniit eqqussisoq akiliisitaanermik pineqaatissinneqarsinnaavoq.

Imm. 2. § 76, imm. 2-mi aalajangersagaq imm. 1-imi aalajangersakkamik piaarinaatsoornikkut unioqquitsinernut taamaaqataanik atuutsinneqassaaq.

§ 78. Piaaraluni mianersuaalliorujussuarnikkulluunniit §§ 75 b aamma 75 c-mik unioqutitsisoq akiliisitaanermik pineqaatissinneqassaaq. Piaaraluni § 75 e-mik unioqutitsisoq akiliisitaanermik pineqaatissinneqassaaq.

§ 79. § 31, imm. 2 malillugu peqqussutini aalajangersakkanik unioqutitsinermut akiliisitaanissamik pineqaatissinneqarnissaaq aalajangersarneqarsinnaavoq.

§ 80. Peqqussut imaluunniit malittarisassat peqqussummik tunngaveqartumik suliaasut pisinnaatitsipput akiliisitsissutissamik annertussusiliisinnaanermut, akiliisitsissutissarlu inatsisit naapertorlugit inummut akiligassanngortinneqarsinnaavoq Kalaallit Nunaanni pinerluttulerinermut inatsimmi aalajangersakkat naapertorlugit. Unioqutitsineq naalagaaffimmit, Namminersorlutik Oqartussanit, kommunimit, kommunini nunaqarfimmilu aqutsisunit unioqutitsineruppat, naalagaaffik, Namminersorlutik Oqartussat, kommuni, kommunit suleqatigiiffiat imaluunniit nunaqarfimmi aqutsisut akiliisitaanissamut akisussaaffilerneqarsinnaapput.

Assuarliineq

§ 81. Unioqutitsinerit § 76, imm. 1-imi, § 77, imm. 1-imi imaluunniit § 79-imi pineqartunut ilaasut innarlugaasumit assuarliutigineqartassapput.

Imm. 2. Piginneqqaartuusup toqnerata kingornatigut § 3-mik aamma § 61, imm. 2 naapertorlugu peqqussutigineqartunik unioqutitsinerit piginneqaartup katissimallugu aapparisaanit, suaasamigut kinguaamigulluunniit eqqarliinit qatanngutaanilluunniit aamma assuarliutigineqarsinnaapput.

Imm. 3. Piginneqqaartuusup toqnerata kingornatigut §§ 3-mik aamma 73-74-inik unioqutitsinerit aamma pisortanit assuarliutigineqarsinnaapput. § 3-milli unioqutitsinerit aatsaat pisortanit assuarliutigineqarsinnaapput kulturikkut soqutigisat unioqutitsinerimi innarlugaasimasorineqarpata.

Imm. 4. Imm. 1-imi aalajangersagaq apeqqutaatinnagu § 75-imik unioqutitsineq pisortanit assuarliutigineqassaaq.

Imm. 5. Unioqutitsinerit § 78-imi, tak. § 75 b aamma § 75 c, imm. 2, pineqartut, pisortanit assuarliutigineqartassapput.

Imm. 6. Unioqutitsinerit, § 78-imi, tak. § 75 c, imm. 1, aamma § 75 e, pineqartut innarlugaasumit assuarliutigineqartassapput.

§ 82. Unioqutitsinerit § 76, imm. 2-mi imaluunniit § 77, imm. 2-mi pineqartunut ilaasut aatsaat innarlugaasumit piunasaqaateqartoqarneratigut assuarliutigineqartassapput, nalinnaasunut tunngatillugu assuarliinissaaq pisariaqanngikkaangat.

Taarsiisuteqarneq ajunngitsorsiasallu

§ 83. §§ 76-imi aamma 77-imi taaneqartunik aalajangersakkanik piaarinikkut mianersuaalliorujussuarnikkulluunniit unioqutitsisoq akiliisaaq

- 1) atornerluinermut naammaginatsumik annertussusilimmik innarlugaasumut aamma
- 2) taarsiisuteqarnikkut innarlugaasumut, ajoqusiinerup nassatarisaanik pissutsinik ajornerulersitsinermut.

Imm. 2. Imm. 1, nr. 2 malillugu taarsiissutissanik annertussusiliinermi innarlugaasup annaasai aammalu innarliisup unioqputitsilluni iluanaarutai ilaatigut nalilersuutaassapput.

Imm. 3. Suliani imm. 1-imut attuumassuteqartuni, saniatigut innaligaasumut ajunngitsorsiassaqaqtitsisoqarsinnaavoq innarliinermut aningaasaqarnikkut tunngassuteqanngitsumut.

Piimeerutsitsineq il.il.

§ 84. Eqqartuussiviup eqqartuussinikkut aalajangersinnaavaa, suliat assinginik imaluunniit pilersitanik kanngunarsaanerit §§ 65-71-imi aalajangersakkani illersugaasunik,

- 1) niuerfiusumit utertitsinissaq,
- 2) tamakkiisumik niuerfiusumiit peersitsinissaq,
- 3) nunguterisitsinissaq imaluunniit
- 4) innarlugaasumut tunniussinissaq.

Imm. 2. Imm. 1 assigisaanik atortinneqassaaq atortunut assigisaannullu, unioqputitsisumik suliat assinginik pilersitsinermi pingaarnertut atorineqarsimasut imaluunniit suliap assingata ilai atorineqarsimasut.

Imm. 3. Pisariaqartunik iliuusiusariaqartut imm. 1 naapertorlugu iliuuserineqassapput innarliisumut sutigulluunniit innarlugaasumut taarsiissuteqarnissamik piunasaqaatitannagtsunik. Pisariaqartunik iliuusissat pilersinneqassapput innarliisup akiligassaatur, pissutsit immikkut ittut tamanna assortunngippassuk.

Imm. 4. Eqqartuussivimmi aalajangiinermi imm. 1 naapertorlugu eqqartuussiviup isiginiassavaa naapertuuttumik isiginnittoqarnissaa innarliinerup annertussusaanik aamma eqqartuussinikkut pineqaatissiissutit soqutigisaqartullu pingajuusut soqutigisaat oqimaalutaatigalugit.

Kapitali 8

Inatsisip atuuffii

Piginneqqaartussaaneq

- § 85. Inatsisip piginneqqaartussaaneq pillugu aalajangersagartai ukununnga atuutissapput
- 1) danskisut innuttaassuseqartut imaluunniit inuit Kalaallit Nunaanni imaluunniit nunami Europamiut Aningaasaqarnikkut Suleqatigiiffianiittumi najugaqartut suliaannut,
 - 2) sulianut siullermeerlugit Kalaallit Nunaanni imaluunniit nunami Europamiut Aningaasaqarnikkut Suleqatigiiffianiittumi saqqummikkanut imaluunniit siullermeerlugit danskit naalagaaffianni nunamilu allami ataatsikkut saqqummikkanut,
 - 3) filmilianut taakkua pilersitsisui Kalaallit Nunaanni imaluunniit nunami Europamiut Aningaasaqarnikkut Suleqatigiiffianiittumi qullersaqarfeqarpata najugaqarpataluunniit,
 - 4) illulianut Kalaallit Nunaanni imaluunniit nunami Europamiut Aningaasaqarnikkut Suleqatigiiffianiittumi, aamma
 - 5) eqqumiitsulianut Kalaallit Nunaanni imaluunniit nunami Europamiut Aningaasaqarnikkut Suleqatigiiffianiittumi illulianut sanaanulluunniit ilaliunneqartunut.

Imm. 2. Imm. 1, nr. 2-p atornerani suliaq Kalaallit Nunaanni saqqummiunneqareernermit ullut 30-it qaangiutsinnagit nunami allami saqqummiunneqarpat ataatsikkut saqqummiunneqartutut naatsorsuunneqassaaq.

Imm. 3. § 38-mi aalajangersagaq inuit suliaannut nunami Europamiut Aningaasaqarnikkut Suleqatigiiffianiittumi innuttaassuseqartunut najugalinnulluunniit imaluunniit Kalaallit Nunaanni najugalinnut atuutissaaq.

Imm. 4. § 64-imi aalajangersagaq atuutissaaq tamanut saqqummiussanut saqqummikkanuluunniit

- 1) inunnit nunami Europamiut Aningaasaqarnikkut Suleqatigiiffianiittumi innuttaassuseqartunit imaluunniit tassani imaluunniit Kalaallit Nunaanni najugalinnit, imaluunniit
- 2) ingerlatseqatigiiffinnit Kalaallit Nunaanni imaluunniit nunami Europamiut Aningaasaqarnikkut Suleqatigiiffianiittumi qullersaqarfeqartunit.

Imm. 5. §§ 73-75 aalajangersakkat sulianut tamanut atuutissapput.

Pisinnaatitaaffiit allat

§ 86. § 65-imi aalajangersakkat atuutissapput

- 1) saqqummiussinernut Kalaallit Nunaanni imaluunniit nunami Europamiut Aningaasaqarnikkut Suleqatigiiffianiittumi pisimasunut, aamma
- 2) saqqummiussinernut nipinillu immiussanut, imm. 2-mi aalajangersagaq naapertorlugu illersugaasunut.

Imm. 2. § 66-imi aalajangersakkat ukununga atuupput

- 1) nipinik immiussanut, Kalaallit Nunaanni imaluunniit nunami Europamiut Aningaasaqarnikkut Suleqatigiiffianiittumi immiussaasimasunut,
- 2) nipinik immiussanut, inunnit Kalaallit Nunaanni imaluunniit nunami Europamiut Aningaasaqarnikkut Suleqatigiiffianiittumi immiussaasimasunut, aamma
- 3) nipinik immiussanut, ingerlatseqatigiiffinnit Kalaallit Nunaanni imaluunniit nunami Europamiut Aningaasaqarnikkut Suleqatigiiffianiittumi pisortaqarfeqartumi immiussaasimasunut.

Imm. 3. § 67-imi aalajangersagaq atuutissaaq

- 1) assilissanik immiussanut Kalaallit Nunaanni imaluunniit nunami Europamiut Aningaasaqarnikkut Suleqatigiiffianiittumi immiussaasimasunut, aamma
- 2) assilissanik immiussanut, inunnit nunami Europamiut Aningaasaqarnikkut Suleqatigiiffianiittumi iluaniittumi innuttaassusilinnit imaluunniit tassani imaluunniit Kalaallit Nunaanni najugalinnit immiussaasimasunut, aamma
- 3) assilissanik immiussanut, ingerlatseqatigiiffinnit Kalaallit Nunaanni imaluunniit nunami Europamiut Aningaasaqarnikkut Suleqatigiiffianiittumi qullersaqarfeqartunit immiussaasimasunut.

Imm. 4. § 69-imi aalajangersagaq atuutissaaq

- 1) radiokkut isiginnaarutikkullu aallakaatitanut Kalaallit Nunaanni imaluunniit nunami Europamiut Aningaasaqarnikkut Suleqatigiiffianiittumi aallakaatitaasimasunut, aamma
- 2) radiomik isiginnaarummillu suliaqarfinnut Kalaallit Nunaanni imaluunniit nunami Europamiut Aningaasaqarnikkut Suleqatigiiffianiittumi qullersaqarfeqartunut.

Imm. 5. Imm. 5. § 70-imi aalajangersagaq atuutissaaq

1) assiliivik atorlugu assilisanut inunnit nunami Europamiut Aningaasaqarnikkut Suleqatigiiffianiittumi innuttaassusilinnit imaluunniit tassani imaluunniit Kalaallit Nunaanni najugaqartunit assilisaasunut, aamma

2) assiliivik atorlugu assilisanut Kalaallit Nunaanni imaluunniit nunami Europamiut Aningaasaqarnikkut Suleqatigiiffianiittumi illualianut sanaanulluunniit ilaliunneqartunut.

Imm. 6. § 71-imi aalajangersagaq atuutissaaq kataloginut il.il

1) inunnit nunami Europamiut Aningaasaqarnikkut Suleqatigiiffianiittumi innuttaassusilinnit imaluunniit tassani imaluunniit Kalaallit Nunaanni najugaqartunit pilersitaasunut, imaluunniit

2) ingerlatseqatigiiffinnit, Kalaallit Nunaanni imaluunniit nunami Europamiut Aningaasaqarnikkut Suleqatigiiffianiittumi qullersaqarfeqartunit pilersitaasunut.

Imm. 7. Imm. 6-imi aalajangersakkat § 72-imi taaneqartutut tusagassiorfitsigut nalunaarutinut taamatulli atuutsinneqassapput.

Imm. 8. Imm. 1-imi aalajangersagaq apeqqutaatinnagu nipinik immiussinernik tamanik immiussinerit pillugit § 65, imm. 1-imi aalajangersagaq atuuppoq. Imm. 2-imi aalajangersagaq apeqqutaatinnagu nipinik immiussanut tamanut kingornatigut iluarsinerit pillugit § 66, imm. 1 atuuppoq. Imm. 1-4-mi aalajangersakkat apeqqutaatinnagit suliat assinginik saqqummiussinernut, nipinik immiussinernut, assiliivik atorlugu assilisanut kiisalu radiokkut isiginnaarutikkullu aallakaatitanut tamanut siaruarterineq pillugu § 65, imm. 2-4-imi, § 66, imm. 1-imi, § 67, imm. 1-imi aamma § 69, imm. 2-imi aalajangersakkat atuupput.

Radiokkut isiginnaarutikkullu satellitsikkoortumik aallakaatitanut immikkut aalajangersakkat

§ 87. Radiokkut isiginnaarutikkullu satellitsikkoortumik aallakaatitat Kalaallit Nunaanni pisutut naatsorsuunneqassapput aallakaatitat inunnit tamanit tusarnaagassatut isiginnaagassatullu naatsorsuussat Kalaallit Nunaanni kipiffeqanngitsumik satellitsimut satellitsimiillu nunarsuarmut attaveqartut radiomik isiginnaarummilluunniit suliaqarfimmit nakkutigisaappata akisussaaffigineqarpatalu.

Imm. 2. Satellitsikkut aallakaatitat aamma Kalaallit Nunaanni pisutut naatsorsuunneqassapput aallakaatitat nunami Europamiut Aningaasaqarnikkut Suleqatigiiffiani ilaasortaangitsumit aallakaatitaappata aammalu radiokkut isiginnaarutikkullu satellitsikkut aallakaatitat kabelikkullu aallakaatitseqqittarnermut atatillugu piginneqqaartussaaneq piginneqqaartussaaneremullu assingusumik pisinnaatitaaffiit pillugit ataatsimoorussamik aalajangersakkat Rådep peqqussutaani 93/83/EØF-mi 27. september 1993-imeersumi kapitali II-mi aalajangersakkat ilaannit illersugaangippata, makkunatullu pisoqarpat:

1) Aallakaatitat Kalaallit Nunaanni sakkortusaavikkoortumik satellitsimut ingerlatitaappata. Taamaappat §§ 2, 64 aamma 65-73 malillugit pisinnaatitaaffiit aallakaatitsivimmik ingerlatsisumut atuutsinneqarsinnaapput.

2) Sakkortusaavik nunami EØS-imut ilaasortaasumiittoq atorneqanngippat aammalu radiomik isiginnaarummillu suliaqarfik Kalaallit Nunaanni qullersaqarfeqartoq aallakaatitamik eqqussinngippat. Taamaappat §§ 2, 64, aamma 65-73 malillugit pisinnaatitaaffiit suliaqarfimmut atuutsinneqassapput.

Nunanut allanut il.il. naleqqiullugu inatsisip atortinneqarnera

§ 88. Isumalluutigeqatigiinnissaq siunertaralugu inatsisip matuma aalajangersagartaasa atorneqarfissaasa annertussusaata nunanut allanut naleqqiullugu annertusinneqarsinnaanera pillugu kulturministeri malittarisassanik erseqqinnerusunik aalajangersaasinnaavoq.

Imm. 2. Aammattaaq sulianut siullerpaamik inuiaqatigiit akornanni kattuffinnit naqitertinneqartunut aamma sulianut naqitertitaanngitsunut kattuffiit taamaattut naqitertissinnaatitaaffigisaannut atorneqartussanngortitaasinnaaneri pillugit kulturministeri malittarisassanik erseqqinnerusunik aalajangersaasinnaavoq.

Imm. 3. §§ 17 a- 17 d-p nunani Europamiut Aningaasaqarnikkut Suleqatigiiffianiittunut ilusunik pissarsiarineqarsinnaasunik eqqussuinnermut avammullu niuernermet taamaaqataanik atorneqarneri pillugit kulturministeri malittarisassanik aalajangersaasinnaavoq.

Kapitali 9

Atortuulersitsinermi ikaarsaariarnermilu aalajangersakkat

§ 89. Peqqussut atortilissaaq ulloq 1. januar 2020.

Imm. 2. Peqatigitillugu atorunnaarsinneqassaaq piginneqqaartussaaneq pillugu inatsisip Kalaallit Nunaannut atortuulersinneqarnissaanik peqqussut nr. 561, 14. juni 2006-imeersoq.

§ 90. Peqqussut aamma atortuutinneqassaaq sulianut saqqummiussinernullu il.il. peqqussutip atortuulersinneqarnera sioqqullugu saqqummiunneqartunut.

Imm. 2. Peqqussut atuutissanngilaq iluaqutiginninnernut naammassereersunut, imaluunniit pisinnaatitaaffinnut inatsisip atortuulersinneqarfia sioqqullugu pissarsiaasunut. Suliat saqqummiussalluunniit il.il. assingisut sanaartukkat tamanut siammarterneqarsinnaallutik takutinneqarsinnaajuassapput, piffissami taamatut siammarterinerup imaluunniit takutitsinerup akuerisaaffiani inatsisip naapertuuttumik saqqummiussaasimagunik. § 19, imm. 2-mi aamma 3-mi aalajangersakkat taamaattoq tamatigut atortuutinneqartassapput attartortitsinermet atortitsinermullu, inatsisip atortuulersinneqareerneratigut pisussanut.

Imm. 3. Suliamut imaluunniit saqqummiussinermut il.il. tunngatillugu piffissaq illersuiffissaq aalajangersakkanik nutaanik atuilernikkut aalajangersakkat maannamut atuussimasut malillugit piffissaliussaataasumiit sivikinnerulissappat aalajangersakkat tamanna tikillugu atuussimasut atortinneqassapput. § 63-imili, imm. 5-imi aalajangersagaq tamatigut atortuutinneqartassaaq.

§ 91. §§ 54-imi, 55-imi, 56-imi aamma 58-imi aalajangersakkat atortuutinneqassanngillat isumaqatigiissutinut 1. juli 2000 sioqqullugu isumaqatigiissutaasunut.

Imm. 2. § 65, imm. 5-imi aalajangersagaq aamma atortuutinneqassaaq isumaqatigiissutinut 1. juli 2000 sioqqullugu isumaqatigiissutaasunut.

Imm. 3. § 30, imm. 5-imi aamma § 87, imm. 2-mi aalajangersakkat isumaqatigiissutinut ulloq 1. januar 2000 sioqqullugu isumaqatigiissutigineqartunut atorneqassanngillat, aatsaat ulloq 1. januar 2005-imi.

Imm. 4. § 59-imi aalajangersakkat edb-iikkut programminut atuutissanngillat 1. juli 2000 sioqqullugu isumaqatigiissutaasunut.

Imm. 5. § 70-imi aalajangersagaq atortuutinneqassanngilaq assinut assiliivimmik assilisanut 1. januar 1975 sioqqullugu saqqummiussanut.

§ 92. Immikkut ittumik pisinnaatitaanerit inerteqqutillu inatsisit pisoqaanerusut naapertorlugit tunniussat atuutiinnassapput.

/Mette Bock